

DISPUTATIO JURIDICA INAUGURALIS, 41.<sup>a</sup>

<sup>De</sup>  
**MANDATO**  
**AD HEREDES**  
**TRANSEUNTE,**  
*Ad L. 57. ff. Mand. &c.*

<sup>Quam</sup>  
**DIVINO NUMINIS AUSPICIO**  
**Ex DECRETO & AUTORITATE**  
**MAGNIFICI JURISCONSULTORUM ORDINIS**  
**IN VIADRINA CELEBERRIMA,**  
**P R Æ S I D E**

**DN. HENRICO à COCCEJO,**  
**JURISCONSULTO SUMMO,**  
**AUGUST. & POTENTISS. REGIS BORUSSIÆ**  
**CONSILIARIO INTIMO,**  
**FACULTATIS JURIDICÆ ORDINARIO, & ANTECESSORE PRIMARIO**  
**h. t. DECANO,**

*Domino, Mæcenate, & Promotore suo ætatem sufficiendo,*  
**PRO SUMMIS IN UTROQUE JURE HONORIBUS, PRIVILEGIIS**  
**ET IMMUNITATIBUS DOCTORALIBUS**

**Rite ac solenniter capessendis,**  
**In AUDITORIO JCTORUM**  
*Die XXVIII. Sept. An. M DCC XIII. Horis ante- & pomeridianis,*  
**Publicæ Jctorum discussioni submittit**

**CHRISTOPH. LEONHARD. Förster**  
**Stroppâ Oelsnico-Silesius. Jur. Pract.**

---

**FRANCOF. ad VIADR. Literis JOH. CHRISTOPH. SCHWARTZII.**



SERENISSIMO PRINCIPI  
AC DOMINO,  
DN. CAROLO  
FRIDERICO,  
DUCI WÜRTENBERGIÆ,  
TECCIÆ,  
ET IN SILESIA OELSNÆ,  
COMITI MONTISBELGARDI,  
DYNASTÆ HEIDENHEIMI,  
STERNBERGÆ ET MEDZIBOHRÆ,  
&c. &c. &c.

*Domino suo Clementissimo.*

# SERENISSIME PRINCEPS,

*Domine Clementissime,*



**I**nsitum esse cuique atque innatum erga Patriam, ejusque Parentem amorem ac pietatem, & ego persentisco, & nemo est, nisi qui hominem exuerit, quin persentiat. Ut enim studiorum meorum larem in almâ hâc Viadrinâ ante aliquot annos figerem, quid aliud magis impulit, quàm quod TU, SERENISSIME PRINCEPS, tunc temporis Augusti Regis Borussiae indulgentiâ Rector Magnificentissimus Universitati huic gravissimâ autoritate praesideres, & nusquam beatius quàm sub sceptro Tuo Academico Musis litandum mihi esse ducerem, imprimis cum (quod alias dicitur) Patriæ civis plus debeat, quam Vasallus ligius Domino; quod hujus vinculum ab arbitrio sit; illius à Naturâ. Unde seriò cœpi cum animo meo putare, me illud TIBI, Patriæ Patri, quod Vasalli in bello erga dominum officium est, quodammodo in militiâ hâc togatâ præstandum, ut TE Dominum meum Francofurtum sequerer. Cessit hâc mihi civi Tuo, TIBI debita pietas in castris Themidos Viadrinæ, post abitum tuum, relicto, Numine adspirante, adèò feliciter, ut non tantum quinquennio studii Juridici absoluto, visâ per annum Aulâ Regiâ Boruss. aliisque exteris terris in judiciis hujus Civitatis celeberrimæ causarum Patroni  
pro-

provinciam aggressus, sedem hîc figere sustinuerim, verum etiam jam summos in utroque jure honores capessere animum induxerim. Cui fini dum præsens hoc Specimen Juridicum Inaugurale, ut ex lege Amplisf. Ordinis Jctorum consuevit, publici juris facio, hæc ipsa me commovet in Te Patriæ Principem reverentia, ut, quamvis aliam Patriam hætenus invenerim, pio instinctu ducar, Disputationem hanc meam, *Nomini Tuo Serenissimo* humillimè inscribere. Accedit conatui huic haut leve momentum, quod Jctos benignissimè hîc fovere, hujusmodi disputationibus interesse, & ubiq; Justitiæ & Jurisprudentiæ amantissimum Te præbere non dedignatus es. Est enim affectus iste connatus Serenissimæ Prosapia, ex quâ oriunduses, inde ab Avis & Majoribus tuis, qui Justiniani instar & Ipsi jura condiderûnt, & tam legibus quàm armis condecorati extiterunt, atque in TE derivatus, qui in Regimine Tuo justissimo magno Civium tuorum solatio quotidie se exerit, quo fit, ut non possim non in amplissimam spem excitari, TE, SERENISSIME PRINCEPS, Juridicum hoc specimen clementissime suscepturum esse. Scio deinde, quantum auctoramenti Disputationi meæ accessurum sit, dum hæc Universitas Serenitatis Tuæ nomen adèò gratum adèò jucundum præmissum deprehendet. Non enim nos oblitos hic esse Tui credas. Erexiinus dudum TIBI in animis nostris, ob Magnificentissime hic gesta & summum Universitati nostræ Regiæ præstitum Præsidium, sacras perennis reverentiæ aras, & æternas laudum Tuarum columnas. Nam quod in Acroaterio nostro majore erectum, affabre pictum, & Gloriæ tuæ ergo positum monumentum est, caducum videri potest; At Generosa illa, ac Principe digna indoles Tua, totque laudum Tuarum

rum hic partarum encomia sunt pulcherrima æternæque memoriae, quæ animis nostris insculpta est, effigies. Ego quidem si laudibus Tuis, *Domine*, concelebrandis & officiis subiectissimis Tibi debitis ipsemet consumerer, volupe foret, cum ipsis Legibus, Patriæ me natum, & necessitudine quadam officiorum esse obstrictum, persuasus sim: Ast cum, quæ hodierna Silesiarum facies est, & plurimorum civium conditio, de ipsâ hæc Patriâ demereri mihi non detur; id mihi gloriæ relictum censebo, in id allaborare, ne saltem tali Patriâ indignus inveniar. In cuius rei tesseram & monumentum publicum, hanc disertationem Juridicam inauguralem *Serenissimo Nomini Tuo*, submississimâ devotione sacram esse volo, & ut sereno ac Clementissimo vultu suscipias, subnixissime rogo. Accipe simul, Magne Princeps, pia mea pro salute Tua vota: Ut Numen Benignissimum illam contagii calamitatem, quæ terræ tuæ miserè conquassatæ fuerunt, tandem procul avertere, Teq; Silesiæ Delicias cum Serenissima Domo *Tua*, in Ecclesiæ tutamen & incrementum ac subditorum tuorum emolumentum, & exterorum solatium sospitare atq; conservare velit. Quod precatur, medullitusque vovet,

SERENISSIME PRINCEPS

*Domine Clementissime*

SERENITATIS TUÆ PRINCIPALIS

Humillima devotione

*Subiectissimus Servus*

CHRISTOPH. LEONHARD. *Görster* /  
Juris Præcticus.

*Francf. ad Viadr.*

*d. 20. Septembr.*

1713.



I. N. D. N. J. C.

DISP. JURID. INAUG.

De

MANDATO AD HEREDES TRANSI-  
TORIO. *ad l. 57. Mand. &c.*

SECTIO I.

Exhibet Disputationis propositum, &  
argumenti tractandi speciem.

SUMMARIA.

- |   |   |
|---|---|
| §. 1. <i>M</i> andatum morte fi-<br>niri contra commu-<br>nem contractuum indo-<br>lem. | <i>contractus.</i>  |
| §. 2. <i>M</i> ultis casibus etiam non<br>finiri: de quibus nunc agi-<br>tur.           | §. 4. <i>Q</i> uod illustratur distin-<br>ctione contractuum.                     |
| §. 3. <i>A</i> liud esse an actio ad he-<br>redes transeat; aliud, an                   | §. 5. <i>M</i> odos quibus mandatum<br>ad heredes transit, pluri-<br>mos afferri. |
|   | §. 6. <i>T</i> res leges difficilissimas<br>esse, quæ nunc evolventur.            |

A

§. 1. Man-



Andata morte unius contrahentium, siue mandantis siue mandatarii, expirare vulgatum est. Quæ re longissimè illa abscedunt & divagantur à communi contractuum naturâ, in quos heredes quoque succedunt. *arg. l. 10. l. 11. C. de loc. cond.* cum enim sub jure rerum contractus quoque veniant, *l. 6. pr. ff. de Verb. sign.* & rei persecutorem contineant, omnino illa utrinque ad heredes transeunt, *arg. l. 7. §. f. ff. de Cond. furt. l. 11. ff. de rebus aut. jud.* quippe universi juris, quod defuncto & in defunctum competiit, successores. *l. 62. ff. de Reg. Jur. & sim.* Quæ omnia cum certi notissimique juris sint, mirum videtur, cur ab hac communi conventionum indole & ratione abeat mandatum, & quæ ei similis est, societas; nam officia & munera, uti sunt tutelæ, cum persona desinere facillè intelligitur. *arg. L. 6. §. p. ff. de his qui not. inf.*

§. 2. Hic verò è contrario mandatum exhibemus, non quod à communi pactorum natura defleat, sed quod à sua, seu à seipso: Scilicet quod utrinque in heredes quoque descendit, nec morte cum persona interit. Id verò pluribus quidem modis & casibus accidit qui vulgati & tralatitii sunt. Verùm plures recensentur inter eos, quibus sua non constat ratio: Quidam qui plane rejiciendi sunt, vel quia jure veri non sunt, vel quia ad hunc tractatum non pertinent: Quidam econtrario etiam qui omissi, aut non satis evoluti, sed textuum suorum difficultatibus impliciti



pliciti hærent, neq; satis enodati aut perspecti fuere: Qui potissimum disputationis hujus tractationem absolvent.

§. 3. Inprimis verò non sunt commiscendæ quæstiones distinctæ. Alia enim quæstio est, an actiones ex contractibus ad heredes transeant? Alia, an contractus? Ex omni enim contractu quæ nascuntur actiones, heredibus & in heredes promiscue dantur, nec eo differunt: Etenim illæ ex facto defuncti nate sunt, & in ipsius jam persona cæperunt & extiterunt, quibus proinde, uti ipse, ita & heredes ipsius agere vel conveniri possunt, & æquè ex mandato, societate, tutela, ac ex reliquis. *L. 12. L. 49. ff. de Obl. & act.* At aliud hic nos quærimus, non de eo quod à defuncto gestum est, sed quid ab heredibus pariter geri possit, ut ex suo quoque gestu agere vel conveniri queant? Non an ex facto & gestione defuncti productæ actiones ad heredes fluant; sed, an ipsa gestio seu gerendi facultas, prout in defuncto fuit, ita in heredum persona continuet?

§. 4. Scilicet quidam sunt contractus, qui uno actu & consensu ita perficiuntur, ut nihil amplius gerendum, sed sola actio ad implendum supersit: sicuti emptio, stipulatio, pactum de donando &c. Quidam verò, unde non solum actio sequitur, sed & gestio quædam continuatur, & qui tractum quendam gerendi, utendi, vel custodiendi habent; uti conductio, commodatum, pignus, depositum; & sic mandatum, societas &c. & de his quæritur, an illa gerendi utendive facultas, non verò an actio ad heredes quoque derivetur? Et hoc quidem regulariter procedit, ut heredes in ipsum contractum quoque succedant, &

eadem gerendi potestas, quæ defuncto fuit, in heredes quoque propagetur. Sed ab hac regula excepti sunt contractus quidam, ut mandati, societatis, & quæ muneris aliquod officium continent, indeque personæ habilitatem requirunt, ut tutela &c. In hos igitur contractus heredes non succedunt nisi certis calibus. Quæ quæstio inprimis in mandato ventilatur; de quo nunc agendum est, & inde de reliquis haut difficile iudicium erit.

§. 5. Et si igitur mandatum morte finiatur. *sup. §. 1.* (cujus rei rationes expositæ sunt in *Disp. Dn. Præsidis, de Jure pœnitendi in contr. Sect. 3. §. 2. & seq. Conf. Sect. 3. inf.* quò proinde hoc caput remittimus) tamen, ut dictum jam est *§. 2. sup.* plures causæ inde exceptæ sunt, quibus ad heredes quoque vim suam extendit. Verùm eos nimid pluscumulant & multiplicant nonnulli, nimia diligentia & colligendi extendendique studio. Ita enim *Cardinalis Mantica* 14 exceptiones refert & latius exponit, quibus mandatum non finiri dicitur. *Tract. de Tacit. & ambig. convent. Lib. 7. tit. 23. n. 16. & seqq. usq; ad fin.* Sed & totidem recenset strictim *Diod. Tullenus, Jctus Lovaniensis, ad Tit. C. de Mandat. n. 7.* Quos quidem, quousque juri convenient, plenius excutere instituti hujus non est; sub finem tamen extremistantium digitis eos attingemus, ad implendū saltem argumenti propositi numerum.

§. 6. At, quod potissimum hac disputatione inaugurali intendimus, est evolutio trium textuum difficultium, qui ad hanc materiam pertinent, nec satis vulgò enucleati videntur. Præcipuus est textus in *L. Mandatum § 7. ff. Mandat.* ex cujus evolutione dispallescet modus continuandi mandati, nondum per  
tex-

textus obscuritatem & lectionum varietatem erutus. Alter modus est in *L. 12. §. fin. L. 13. ff. cod. tit. junct. L. f. ff. de Sol.* inter quos textus pugna est, quam nondum placasse videtur tentata Dd. conciliatio. Tertius in *L. 5. §. p. ff. de Instit. act.* quem itidem fœdavit varietas lectionum. In his igitur num solidiùs difficultates complanari, aut collisiones sedari queant, hâc disputatione tentabimus, & in id exactius studium collocabimus; cæteros verò modos sub finem quasi cursu transibimus.

## SECTIO II.

Evolvit textum in *L. 57. ff. Mand. nova ratione.*

### SUMMARIA

- |   |  |
|---|--|
| <p>§. 1. <i>Proponitur textus venustus in d. L. 57.</i></p> <p>§. 2. <i>Ejus variae lectiones.</i></p> <p>§. 3. <i>Variae item Dd. sententiae &amp; interpretationes.</i></p> <p>§. 4. <i>Maxime improbat Cuj. &amp; Fab. qui Publicianam etiam contra veros dominos sustinent; &amp; Dn. Struv. qui rescissoriam substituit.</i></p> <p>§. 5. <i>Monetur (1) Non unius vel alterius sententia; sed totius venalitii distractionem esse mandatam.</i></p> <p>§. 6. (2) <i>Hinc nullam vindic-</i></p> | <p><i>cationis aut dominii, sed Publicianae tantum &amp; usucapionis mentionem fieri, licet mango dominus fuerit. Cujus rei ratio exponitur.</i></p> <p>§. 7. (3) <i>Hinc servos non fuisse simul, sed vario tempore distractos: Et ideo alios reverso Mangone fuisse usucaptos, alios non item.</i></p> <p>§. 8. <i>Hinc (4) duplex questio in d. l. altera de usucapione, altera de Publiciana: &amp; quae cujusque decisio?</i></p> |
|---|--|

- |   |   |
|---|---|
| <p>§. 9. Usucapione impleta ipso jure emtores tutores, &amp; dominos factos.</p> <p>§. 10. Nondum impleta, Publicianam ipso jure competere; sed hoc casu, ubi à diversis non dominis emtū, exceptione justī dominii eā excludi.</p> <p>§. 11. Hoc jus clarius exponitur.</p> <p>§. 12. Emtoribus igitur absolutis superest questio, quo</p> | <p>remedio indemnis servandus Actor? Resp. Mandati, contra heredes, quod ostenditur.</p> <p>§. 13. Et illustratur mira textus coherentia.</p> <p>§. 14. Solvitur objectio.</p> <p>§. 15. Item alia.</p> <p>§. 16. Conciliatio L. 9. §. 4. de Publiciana &amp; L. 52. §. f. ff. de act. emt.</p> <p>§. 17. Paraphrasis clara d. l. 57.</p> |
|---|---|

§. I.

**P**rima igitur sollicitudo erit, nodum solvere, & detegere modum continuandi post mortem mandati, qui delitescere videtur in d. L. 57. ff. Mandat. Iste textus, quo vix alius magis exercuit Jctorum mentes, in editionibus nostris ita legitur: *Mandatum distrahendorum servorum defuncto, qui mandatum suscepit, intercidisse constituit. Quoniam tamen heredes ejus, errore lapsi, non animo furandi, sed exequendi quod defunctus sue cura fecerat, servos vendiderant, eos ab emtoribus usucaptos videri placuit; sed venaliciarium ex provincia reversum non utiliter acturum; cum exceptio justī dominii detur; neque oporteat eum, qui certi hominis fidem elegit, ob errorem aut imperitiam heredum affici damno.*

§. 2. Eodem modo legitur quoque in Pandectis Florentinis, à quibus in dubio recedendum non esse convenit. Sed mirum quantopere lectio hujus variet in cæteris editionibus & inter Dd. Loco enim verborum, *non utiliter*, uti in Florentino codice negative referuntur, in Basilicis legitur affirmative, *utiliter*: καλῶς καὶ ἰνὶ πρὸς βλακίαν, *utiliter movet*  
Publi.

*Publicianam. Lib. 14. tit. 1. L. 57. apud Dn. Struv. Exerc. 22. th. 15. In vulgata editione habetur inutiliter. Robert. Aurel. Recept. Lect. Lib. 2. c. 16. Alii contrā quāmplurimi legunt non inutiliter; uti Augustin. L. 1. Emendat. c. 2. Zoanettus, Rossardus, Ranconettus, Charondas, apud Gothofred. d. l. 51. quos sequitur Antonius Fab. Ration. ad d. l. 57. f. Hæc lectio re convenit cum Basilicis, uti vulgata cum Florentina. Quin Dn. Struv. b. m. haut dubitat asserere, rectius legi, rescisoria actione non inutiliter acturum; quod est novam legem facere, non lectionem eligere.*

§. 3. Non minus autem variant Dd. sensu & interpretatione textus, quàm lectione. Species est: Mango, i. qui venalitium servorum habuit, cinen *Glax* *ben Handel*/ peregrè iturus, mandat distractionem Titio, cujus heredes eo mortuo vendunt. Mangoni reverso quæ actio dabitur? Alii Publicianam dant, alii negant. Alii Mangonem nondum impleta usucapione reversum asserunt; alii, impletâ. Alii per emptores intelligunt eos, qui à mandatarii heredibus emerunt; alii ipsum Mangonem à non domino emisse contendunt; alii id commentitium esse volunt. Et ita porrò alii aliter. Neq; ea contentio est de plebe Doctorum; sed inter exactissimos Jctos; ut apparebit, si post glosam & veteres conferantur *Robert. Aurel. Recept. Lect. Lib. 2. c. 16. Cujac. Lib. 10. Obs. 6. Ant. Faber. Rat. ad d. l. 57. Connan. Comm. Jur. Civ. Lib. 7. cap. 14. n. 12. Donell. 16. Comm. 23. ad fin. Quorum nemini ferè cum altero convenit.*

§. 4. Illud verò indignissimum videtur, quod quidam, qui Publicianæ locum faciunt, illam Mangoni competere volunt contra emptores, etsi domini

ni ufucapione facti sint: & exceptionem iusti domini elidi replicatione æqvitatís vel doli, nescio cuius, idq; argui per verba *causa cognita*. Ita *Cujac. Lib. 10. Obs. 6. Ant. Fab. ad d. L. 57. qui more suo refutat alios, non emendat*. Hæc fortè causa fuit, cur Dn. Struv. d. l. pro Publiciana substituerit Rescisoriam, ut eâ rescinderetur emtorum ufucapio ac dominium. Sed omnia frustra; cùm nec Mangonis allegetur absentia publica vel necessaria, & emtores bonâ fide emerint; adeoq; & in illo cesset causa restitutionis; & in his dolus. Nec quicquam hujus in textu dicitur, sed mera commenta sunt; quæ eo minùs moramur, quia sponte diffluent ac evanescent, ceu umbræ, ubi veræ sententiæ lux affulserit.

§. 5. Illa ut appareat, moneri refert, etsi per se pateat, mandatum venalitiarii in d. l. 57. non fuisse de uno alterove servo vendendo, sed de toto suo venalitiô servorum, uti vocatur in *L. fin. ff. de Edil. Edict.* Venalitiarii enim, seu venalitii, non erant qui servulum seu servos quosdam venales habebant, sed illi greges servorum utriusque sexus, variæ ætatis, varique habitus corporis sibi comparabant; idque necesse erat ut allicerent in foro emtores, & hi invenirent & eligerent, quos vellent servos: quemadmodum alii mercatores varias merces. Unde *Suetonius Lib. de Clar. Rhetor. cap. 1. in fin.* ait: *Venalitii cùm Brundussii gregem venalium* (ita peculiariter servos novitios vocari docet *Quintil. Instit. Lib. 8. cap. 2. in princ.*) *è navi educerent, puero formoso & precioso prætextam,* (ut dissimularent esse servum) *imposuere.* Tale igitur fuit in d. L. 57. generale illud mandatum *disfrahendorum servorum*, quod venalitiarius, cùm, abiturus in Provinciam, ipse distrahere

here non posset, alii amico suum venalitium servorum commisit, eumque quodammodo negotiationi huic interea præposuit, etsi vera præpositio non esset, sed nudum mandatum, quia non negotiatio commissa fuit, sed sola distractio.

§. 6. Hinc clarè apparet causa, cur in *d. l. 57.* nec domini nec rei vindicationis ulla fiat mentio: Non quòd à non dominis Mango servos omnes emerit, sed quòd probatio domini deficeret, quæ incumberet vindicanti, *L. fin. C. l. 9. ff. de Rei vind. & longè difficilima; Donell. 22. Comm. 2. ad fin.* hoc verò casu probatio impossibilis esset. Quis enim probare Mango posset dominium tot capitum ab aliis pluribus emtorum? Nam nec posset se dominum docere, nisi & auctoris sui; nec hujus, nisi & illius à quo iste emit dominium doceret: Quia non potest alicui ex emto acquiri dominium, nisi & Autor fuerit dominus, & ita deinceps in infinitum. *L. 20. princ. ff. de adq. rer. dom. L. 54. ff. de Reg. Jur. Donell. d. l. Fransk. ff. de Rei Vind. n. 18.* Atq; inde est, quòd usucapio introducta ideo fuisse dicitur, ut dominia certa fierent, quia aliàs vix ullius dominium certum foret. *arg. L. 1. verb. & fere semper incerta dominia essent. ff. de Usuc.* Quin tanta hujus probationis difficultas visa est, ut ad onus hoc evitandum jura ipsa suggerant consilium possessionis potiùs adipiscendæ. *L. 24. ff. de Rei Vind. §. 4. de Interd.* Planeque aded fatendum est, vix posse impleri hanc probationem nisi beneficio usucapionis. Et hinc fit, ut consultum sit auctori, etsi domino, non contendere Rei Vindicatione, se dominum esse; sed Publicianâ, se bonâ fide emisse. *Don. d. c. 2. in fin. Fransk. d. l. n. 19.* Cum igitur hoc inprimis casu, ubi in tot servis suum & tot

unâ autorum suorum dominia probanda erant, id suscipere stultum fuisset, hinc non de Rei Vindicatione, sed tantum de Publicianâ sollicitudo ac quæstio fuit, & ideo de ea solum in *d. l. 57.* agitur.

§. 7. Sed & porro hinc perspicuum fit, hos servos non fuisse eodem tempore distractos. Vix enim accidit, ut integrum servorum Venalitium, seu *συμμεμώριον*, ut in Basilicis dicitur, *Cujac. d. l.* unum emtorem inveniatur, uti nec omnes tabernæ merces simul ac semel uni emtori venduntur; sed ideo prostant greges servorum in foro, & merces in tabernis, ut sensim & procedente tempore pluribus emtoribus vendantur. Hinc factum, ut reverso venalitario in quibusdam usucapionis tempus jam lapsum, in aliis autem illa nondum impleta fuerit.

§. 8. Hinc vero, post reditū Venalitarii, cum quæreretur, qua actione ipsi consultum esse posset, duplex in specie *d. l. 57.* exurgit quæstio. Altera de usucapione; Utrum isti emtores, qui jam per tempus lege constitutum possederant usucepisse videantur? Altera de Publicianâ; An reliqui, qui nondum tempus illud impleverant, Publicianâ conveniri queant. Utramque Jctus planissimè & accuratissimè decedit; Illos videri usucepisse; hos Publicianâ quidem conveniri posse, sed ob stare exceptionem justī dominii. Utrumque jure verissimum est.

§. 9. Etenim de usucapione primè dubitari poterat; quia servi furtivi videbantur, quippe ab heredibus non dominis emti, qui sciebant se non esse dominos, eoq; sine furto res mobiles vendere non poterant: Nam qui sciens alienam rem (mobilem) vendiderit, fur cum ejus committit: quæ sunt verba Justin. in §. 2. *vers.*



*vers.* Nam quis sciens. de Usucap. Verum respondet ipse JCtus: Heredes errore lapsos, non animo furandi, sed exequendi quod defunctus curæ suæ fecerat, servos vendidisse: Qui error, etsi juris, excusat à dolo, atque adeo ab animo furandi, sine quo furtum non committitur. L. 57. ff. de Usucap. Hinc cum servi res furtiva ac vitiosa non fuerint, rectè de iis qui iusto tempore possessi fuerant, concludit; *Eos ab emtoribus usucaptos videri; & ita merito ait placuisse.* Hi ergo ipso jure tuti sunt.

§. 10. De Publicianâ verò non minus planissimè res deciditur. Illa enim actio adversus reliquos emtores, qui nondum usucapionis tempus possessione absolverant, ipso jure omninò locum habuit; cum enim conditio usucapiendi fuerit, certum est, eâ nondum expletâ, Publicianam dari, per L. 7. §. 2. ff. de Publ. in rem act. verum ea eliditur hoc casu *exceptione justì dominii, quæ causâ cognitâ datur.* Hæc autem causæ cognitio hic in eo versatur, ab eodem, an à diversis non dominis acceperint actor & rei: Si enim à diversis, constat possessores potiores esse, & ipsis competere justì dominii exceptionem, per text. expr. in L. 9. §. 4. *vers. Quod si à diversis. ff. de Public. in rem act.* Quod hic vix in dubitationem cadere poterat; cum possessores emissent à Mandatarii heredibus non dominis; Venalitarius autem antea ab aliis emerat: Horum itaque possidentium conditio certo jure melior erat, d. l. 9. §. 4. conclusumque iterum rectissimè, Venalitarium non utiliter Publicianâ acturum.

§. 11. Igitur hic ille casus est, non cum bonæ fidei emtor cum domino contendit, adedque indubitato repellitur justì dominii exceptione, sed quo cum alio bonæ fidei emtore. Nam & possessores bonâ fide

emerant ab heredibus Mandatarii; & venalitiarius contendit se quoque saltem esse bonæ fidei emtorem. Quaritur ergo hic & cognoscitur cujus jus potius sit, & cujus adeo intelligatur esse justum dominium: Per id enim intelligitur illud quod jure pro dominio habetur; quale etiam est fictum quod dicitur dominium. Hoc itaq; ei tribuitur cujus jus potius est, quale hoc casu, ubi possessores ab heredibus mandatarii, actor venalitiarius ab aliis emerant, citra controversiam possessorum est: & horum itaq; absque dubio in hac causâ est justî dominii exceptio. *d. l. 9. §. 4. L. p. L. ult. ff. cod. tit.*

§. 12. His igitur cum nihil evidentius esse possit, superest jam quæstio, quomodo consulendum sit venalitario, qui nulla culpâ suâ damnum sensit, partim usucapione, partim justî dominii exceptione exclusus; mandato verò morte extincto. Hoc ita decidit JCtus: *Non oportere eum, qui certi hominis fidem elegit, ob errorem aut imperitiam heredum damno affici.* Ergo ille indemnis præstandus est & damnum, seu quod suâ interest repetit. A quo? Ab iis quorum errore juris & imperitiâ eo affectus est: sc. ab heredibus Mandatarii. Quâ actione? Mandati directâ. Atqui illud morte intercidit. *d. L. 57. in princ.* Resp. Hujus regulæ statim subjungitur hæc exceptio in *d. L. 57. vers. Quoniam tamen*, quibus verbis ostenditur casus à regula exceptus: quod erat demonstrandum.

§. 13. Ideo ergo JCtus summus casum hunc à proposito initid Regulâ, mandatum morte finiri, excipiendum demonstrat; quia cum emtores possessores conveniri utiliter nequeant, vel usucapione vel justî dominii exceptione tuti, Mango indemnis præstari debe-

debeat ab iis, quorum imperitia læsus est; & in idigitur post mortem quoque ex mandato actionem contra heredes dandam. *d. l. 57. in fin.* Ut adeo nihil planius vel liquidius hac legis adeò vexatæ sententiâ intelligi posse videatur; salvo tamen Doctissimorum Jctorum aliter statuentium iudicio.

§. 14. Hac facie legi additâ, ultro disparent omnes dubitationum nebulæ: Nec quicquam facit, quod sic usucapionis & Publicianæ eadem conditio, & utroque modo actor exclusus foret, cum tamen ex verbis, *Sed venalitarium*, appareat oppositio. Illa enim in eo est, quod usucapione actor ipso jure exclusus sit, Publiciana autem ipso jure adhuc subsistat, sed exceptione elidatur. *§. 10. sup.*

§. 15. Nec majorem speciem habet, quod Publicianæ exclusioni contradicat ratio finalis, actorem indemnem fore. Etenim præstatur indemnitas venalitarii non ex Publiciana contra possessores; sed ex mandato contra heredes; quod hoc casu excipit à regula in principio legis proposita, mandatum morte finiri; & singularis æquitatis causam dat, quod cætera remedia deficiant, & periniquum sit, mangonem infontem culpâ aliorum damno adfici.

§. 16. Equidem collidere inter se existimantur duo textus in *d. L. 9. §. 4. de Publ. in rem act.* & in *L. 32. §. fin. ff. de act. emt.* qui præfert eum cui priori res tradita est. Verum facilis conciliatio est: Nam ab hac regulâ generali, potiore esse cui priori res tradita est, *d. l. 32. §. fin.* expressè excipitur in *d. L. 9. §. 4.* casus specialis, quo, cum uterque à diversis non dominis emerat, alteruter possidet: Tum enim cæteris omnibus paribus, melior est conditio possidentis.

d. 8. 4. Si verò ab eodem non domino emerint, potior est cui priori tradita est: d. l. 9. §. 4. & L. 32. §. fin. hoc enim factò suo is, qui uni jam tradiderat, omnem alii tradendi facultatem consumpsit, nec adeo pares sunt, sed potior vis est facti prioris; quia ille suo factò contravenire non potuit, & ideo, etsi forte & alteri idem venditor tradiderit, pro tradito non habetur. arg. d. L. 9. §. 4. verb. qui tantum emit. Idemque est, si à diversis non dominis acceperint & neuter possideat, quia cæteris omnibus paribus ordine tamen traditionis prior est potior: d. L. 9. §. 4. d. L. 32. §. fin. at si alter possideat, cum quisque acceperit ab alio, possidentis melior est conditio quàm petentis. d. L. 9. §. 4. in fin.

§. 17. Ita evulso omni scrupulo, nihil hoc textu luculentius, ejusque hæc perspicua erit species ac paraphrasis. *Negotiator Mancipiorum, peregrè abiturus, eorum distractionem mandavit Sejo: eo mortuo, heredes ipsius distraxerunt, non animo furandi (ita enim res vitiosa usucapi non posset) sed opinionis errore, rem suæ curæ esse. Q. Quæ actio danda Mangoni? Resp. Mandatum quidem morte finire; Sed cum heredes sine dolo distraxerint, emtores qui justo tempore possederant, usucepisse videri; ceteros verò, qui reverso Mangone nondum tempus implevere, Publicianâ quidem stricto jure conveniri posse, sed inutiliter; quia possessoribus contra actorem exceptio justî dominii, causâ cognita quod à diversis non dominis acceperint, dabitur. Actorem verò indemnem præstari oportere ab heredibus quorum imperitiâ juris lusus est: Quod fieri nequit, nisi extensa in heredes actione mandati.*

# SECTIO III.

Componit litem inter *L. 12, §. f. junct. L. 13.*  
*Mandat. & L. f. ff. de Solut. nondum*  
*conciliatam.*

## SUMMARIA.

- |   |  |
|---|--|
| <p>§. 1. <i>Alter casus singularis, quo mandatum morte non finitur, proponitur, ejusq; pugna cum d. L. f. ff. de Solut.</i></p> <p>§. 2. <i>Varie Dd. conciliationes, specialiter rejectæ.</i></p> <p>§. 3. <i>Et in genere refutata: stabilitat regulæ generali, mandatum morte finire.</i></p> <p>§. 4. <i>Veram ejus regulæ demonstrationem fieri ea ratione, quod obligatio, quæ nulla fuit in defuncto, non possit incipere ab herede.</i></p> <p>§. 5. <i>Nec id mutatum esse per L. un. C. ut aet. ab her.</i></p> <p>§. 6. <i>Demonstratur, regulam tolli non posse, salva ratione &amp; natura juris hereditarii &amp; successionum.</i></p> <p>§. 7. <i>Idque naturæ sensu evinci, &amp; perpetuum esse in mandato &amp; societate, etsi aliter pacti sint.</i></p> | <p>§. 8. <i>Singularissimum esse in societate Vectigalium; nec ibi defuisse omnem obligationem defuncti.</i></p> <p>§. 9. <i>Solutio d. L. un. quæ non agit de regula generali, sed de singulari specie, an, re post mortem dari jussâ, vel promissâ, locum regula habeat.</i></p> <p>§. 10. <i>Primum omnes has formulas, post mortem Ec. admissas esse in d. L. 11.</i></p> <p>§. 11. <i>Ei juri novo obstitisse regulam, Ne aet. ab her.</i></p> <p>§. 12. <i>Hinc regulam istam in hac specie sublatam esse in d. L. un.</i></p> <p>§. 13. <i>Probat, expresse id restringi ad prædictas clausulas regulam salvâ. Analysis d. l. un.</i></p> <p>§. 14. <i>Unde colligitur in rubr. d. l. un. non exhiberi regulam; sed</i></p> |
|---|--|

*sed voculam Ut idem esse quod Quo modo: eoq; modum saltem singularem ibi exponi salvâ regulâ contrariâ.*

§. 15. *Hinc stabilitur regula, mandatum morte finiri, nec ab herede inchoari posse;*

*& rejiciuntur variæ illæ opinioniones §. 2. sup. relatæ. §. 16. 17. 18. Hinc resolvitur casus Cambii, nuper Fac. Jurid. oblatus.*

§. 19. *Denique respondeatur ad L. 12. §. f. L. 13. ff. Mandat.*

§. 1.

**A**lter casus, quo mandatum morte non finitur, sed ad heredes quoque pertingit, est in *L. 12. §. f. & L. 13. ff. Mand.* Quarum, quæ huc pertinent, verba hæc sunt: *Si ut post mortem sibi monumentum fieret quis mandavit, heres ejus poterit mandati agere. Illum vero qui mandatum suscepit, puto agere mandati &c. Idem est, & si mandavi tibi, ut post mortem meam heredibus meis emeris fundum.* ubi post mortem fieri potest quod defunctus mandavit. Cum iis committitur textus in *L. fin. ff. de solut.* qui ita se habet: *Ei cui jussi debitorem meum post mortem meam solvere, non rectè solvitur: Quia mandatum morte dissolvitur.* ubi è contrario negatur post mortem fieri posse quod defunctus mandavit; quia mandatum morte solvitur. Quæ è diametro pugnare videntur.

§. 2. Variè dissidium hoc placare laborant. Et inprimis *Salic. ad. d. l. 13.* mirè desudat in solvendâ hac antinomiâ, atq; allatis ac rejectis veterû solutionibus ait: *Quid igitur dicemus de durissimo hoc contrario.* Et cum nihil sani ipse quoque attutisset, inquit: *Hæc sufficiant de isto scabroso contrario.* Alii sacrilegâ manu lectionem omnium Codicum mutant & corrumpunt. *Cujac. Lib. 1. Obs. 38.* Alii respondent: Mandatum solvendi morte tolli *d. l. ult.* Mandatum faciendi non tolli *d.*

*l. 12.*

*l. 12. §. fin. Wissenb. p. 1. disp. 32. §. 19.* Sed nihil absurdius est, quàm regulam, *Mandatum morte finiri*, restringere ad mandata de solvendo cùm & fortior ratio sit in faciundo; quia facta magis personæ cohærent, & cum persona desinunt, quàm res. Alii: *Mandatum morte solvi; d. L. ult.* nisi id actum sit ut post mortem fiat. *d. L. 12. §. f. Pac. Enantioph. cent. 4. antin. 85. Perez. C. de mandat. in fin.* Sed & in *d. l. ult.* illud actum fuisse constat. Alii: *Morte non solvi si impleri non possit nisi post mortem. d. l. 12. §. 13. Franks. ff. Mandat. in fin. Vinn. §. 10. n. 2. de mand. Lauterb. in compend. ad tit. Mandat. p. 290.* Alii: *Non finiri mandatum si post mortem conferatur d. l. 12. §. f. & sensum d. l. f. esse quod debitor solvere non possit, quia mandans morte desit velle. Bart. in d. l. fin. Bronchorst. Enantioph. cent. 2. antin. 46.* Quæ secum magis quàm ipsi textus pugnant. Si enim in *d. l. ult.* ideo mandatū post mortem collatum dissolvitur quia voluntas morte desinit, sequitur falsum esse quod Bart. ait, *Mandatum post mortem collatum morte non finiri.* Alii: *Mandatum de eo quod ad heredem pertinet, non solvi morte. d. l. 12 §. fin. de aliis solvi. d. l. ult. Donell. l. 16. Comm. 23. vers. Adeo autem probandum.* Quin contrā: magis præstabunt heredes mandatum defuncti quàm cæteri. Alii: tum solvi, cū heredum non interest. *d. l. ult. Gloss. in d. l. 13.* Sed nihil huc facit an heredum inter sit: quin magis spectatur, an mandantis & paciscentis. *l. 8. §. 6. ff. Mand. l. 28. ff. de Negot. Gest. l. 21. §. f. ff. de pact.*

§. 3. Sed & omnia hæc meræ ariolationes sunt, nec solida ratione nec jure subnixæ: partim cum textibus ipsis pugnantes: cum juris verò ratione implacabiliter. Etenim immotam contra *Gloss. in d. l. 13. & Bart. in d. l. ult.* oportet statui regulam: *Manda-*

C

tum,

tum, *ut post mortem quid fiat*, æque ac mandatum purum, *ut quid fiat*, morte extingui : quin prius illud adhuc magis, cum nullum ab initio sit. Et utrumq; ejusdem communis regulæ : *Mandatum morte tolli* : finibus circumscribitur, easdemque exceptiones utrumque patitur.

§. 4. Id vero ea potissimum ratione demonstratur, non quod electa videatur personæ fides & industria, (ea enim ratio omnes juris hujus numeros non explet, nec rem absolvit, etsi ad rei æquitatem accessio haut modica per eam fiat) sed quod obligatio, quæ nulla in defuncto fuit, in herede inchoari non possit. Ex mandato enim nec ipse mandatarius, re integrâ (qui casus semper ponendus est) obligatur, sed renunciare ei potest, nedum heres ejus, à quo obligatio nomine hereditario incipere nequit.

§. 5. Equidem existimant vulgò, id mutatum esse ab Imperatore *in tot tit. C. ut act. ab. her. & cont. her. incip.* statutumq; actiones & obligationes ab heredibus & in heredes quoq; oriri posse. Quem maximum errorem & enormem hallucinationem esse, non ambigimus.

§. 6. Etenim pugnat id cum ipsa negotii substantia & juris hereditarii natura: juris alicujus initium fieri ab herede quod defuncti non fuit. Quid verò est hereditas? Respondent passim leges: Hereditas nihil aliud est quam successio in universum jus defuncti. atq; hæc ejus perpetua definitio est. *l. 24. ff. de verb. sign. l. 62. ff. de Reg. jur. l. 3. §. 2 ff. de Bon. poss.* Si ergo defuncti jus nullum fuit, nullum quoq; heredis intelligi nec ab herede inchoari potest. Hereditas scilicet omnia jura, activa, ut vocant, & passiva; onera & comoda,

com-



complectitur. l. 1. l. 3. *princ. ff. de bon. poss. l. 2. C. de her. act. l. 1. ff. Si cert. pet.* Et heres succedit in virtutes & vitiis defuncti. l. 11. *ff. de div. temp. præscr. l. 11. C. de acq. poss.* Non potest igitur ex hereditate ad heredem vel onus vel commodum transire, nisi fuerit defuncti. Ea præterea conditio est omnium sucessionum ut fiant in jus alterius; & quod igitur hujus non fuit, in id succedi non potest. l. 177. *ff. de Reg. jur.* Unde heredem ejusdem potestatis ac juris esse, cujus fuit defunctus, constat: ut dicitur in l. 59. *ff. eod. tit.* Nec quisquam plus juris, si-  
ve activi siue passivi, ad alium transferre potest, quam ipse habet. l. 54. *ff. eod. tit. l. 20. pr. ff. de adq. rer. dom.*

§. 7. Quæ regulæ omnes non arbitrio confictæ, nec lege inventæ, sed Naturæ sensu constitutæ sunt, & ex illo perpetuæ veritatis fonte manant: *Non entis non esse qualitates seu effectus*: eoq; quod non est, transferri non posse, nec in id succedi &c. Hâc itaq; ratione, cum, re integrâ, nulla mandatarii defuncti obligatio ex mandato fuerit, nulla in heredem inde descendere potest. Quæ eadem & causa est, cur in societatem heres succedere nequeat, aded ut, licet socii illud inter se pacti fuerint, id nullius tamen momenti sit, nullumque effectum habeat. l. 35. l. 52. §. 9. l. 59. *pr. ff. pro socio.*

§. 8. Quod enim in societate vectigalium aliquando succedat heres, id singularissima ratione ac lege propter necessitates publicas constitutum est. d. l. 59. & ibi Dd. Quanquam nec defecerit eo casu obligatio in persona defuncti; cum omnes socii ex conductione obligati fuerint, in quam heredes quoq; succedunt. l. 10. C. loc. cond. §. fin. eod. tit. l. 19. §. 8. *ff. eod. tit.* Omnibus enim sociis locata sunt vectigalia, & omnes ab initio

ex locatione pariter obligati; de quo proinde jure ad heredes quoq; , quippe ex conducto obligatos, transferendo statui potuit; modò per heredes quoq; expediri possit. *Glosf. ad d. l. 59.*

§. 9. Quid ergò fiet de *d. l. un.* cujus rubrica ipsa regulam & legem contrariã inculcat? *Ut actiones & ab herede & contra heredes incipiant.* Illã in contrariũ nihil statutũ esse, nunc docendum est. Etenim in *d. l. un.* non de regula ista perpetua, *ab herede actiones inchoari non posse*, sed de interpretatione formulæ, *post mortem*, agi, probat constitutionum novarum series. Veteribus enim dubitatum fuit, num conventiones sub formulis, *post mortem*, vel *in tempus mortis*, vel *pridie mortis*, conceptæ valerent; ex hac ipsa regula quod ex iis jus non inciperet nisi post mortem, tum verò amplius incipere non posset. Et quamvis tandem conveniret, momentum mortis vitæ tribui; *l. 8. §. 3. ff. de Manum. test.* & ided admisæ essent conventiones, *cum moriar, aut morieris, dari*; *§. 14. de inut. stip. l. 17. ff. de cond. indeb.* uti & legata talia, *§. 35. de legat.* tamen, si dictum esset, *post mortem*, vel *pridie mortis*, nec conventiones nec legata subsistebant: *§. 17. de inutil. stip. d. §. 35. de legat.* quia non fuere concepta in momentum mortis, quod solum vitæ adseritur, ut dictum; *Ulp. fragm. tit. 24. §. 16. Paul. 3. sent. 6. §. 6.*

§. 10. Verùm noluit Justinianus, hominum vulgò dispositiones scrupulosis his verborum laqueis irritari, & voluntates eorum ad subtiles hos verborum sensus, quasi ad scopulos periclitari, sed omnes hujusmodi dispositiones valere jussit, ex voluntate & sensu hominum, qui hæc non ita anxie distinguunt, sed omnibus his modis momentum mortis intellexisse viden-

dentur: quod cum sit ipsum confinium vitæ & mortis, & ad utramq; adeo referri possit, placuit, ut voluntates hominum conservarentur & exitum haberent, illud vitæ vindicari, & omnibus his formulis intelligi. Primum ergo id constituit Imperator, tum quoad ultimas voluntates, tum quod actus inter vivos, in *l. 11. C. de contrah. stip.* deinde id, adductâ hac constitutione suâ, repetit in Institutionibus. §. 12. *de inut. stip. C. §. 35. de legat.* Atq; ita hoc primum decisum est, omnes hujusmodi disputationes promiscuè validas esse, nec ex ulla harum formularum intercidere debere.

§. 11. Verùm illi clausulæ, *Post mortem dari*: adhuc obstare videbatur constans illa juris regula, *actiones ab herede incipere non posse*. Etsi enim jam prospectum esset in *d. l. 11.* ut valerent hæc negotia, nec hac verborum conceptione collaberentur: tamen excipi adhuc posse videbatur ex formula, *post mortem tuam dari*, nullum jus agendi intelligi in persona tua posse: cum enim expressè dixerim, *post mortem tuam dari*, adeoq; noluerim tibi dari, sequitur in tua persona ex hac formula nullum jus agendi cœpisse, sed illud demum te mortuo ab herede incipere; cum his verbis certò significetur, non debere tibi dari, nec proinde te petere debere, adeoq;, non nisi te mortuo, heredem tuum. Id verò non permisit ratio juris, ut actio quæ nunquam radicata quasi fuit in persona defuncti, vires exerere possit in herede.

§. 12. Hunc scrupulum jam eximit Justin. in *d. l. un.* non novum denuò jus ibi constituendo, sed quid juris jam in *d. l. 11.* constituti consequens esset, interpretando. Etenim statuto, ut negotia hæc valerent,

consequens omninò fuit, etiam actionem inde dari, etsi ab herede illa inciperet; jus enim jam in momento mortis quæsitum defuncto fuit, etsi executio in ejus persona fieri nulla posset, sed ab herede inchoanda sit. Unde Imperator hic quoq; in d. l. un. refert prædictâ constitutionem suam in d. l. 11. quâ negotia hæc valere voluit, & ei *consentaneum* esse inquit, eam regulam quoq; hic cessare.

§. 13. Ut verò appareat, ad hunc casum restringi legem, & eum solum excipi à prædictâ regulâ, hanc verò non tolli, sed magis firmani, videamus textum ipsum; cujus initio hæc verba sunt: *Cum stipulationes & legata & alios contractus post mortem compositos antiquitas quidem respuebat, nos autem pro communi hominum utilitate recepimus; consentaneum erat, etiam illam regulam, quâ vetustas utebatur, more humano emendare.* Hanc deinde regulam exhibet Imp. sed restrictam ad formulam *post mortem*: Ita enim persequitur: *Ab heredibus enim incipere actiones, vel contra heredes, veteres non concedebant* NB. *contemplatione stipulationum cæterarumq; causarum post mortem conceptarum.* Igitur de ipsa regula generali an valere debeat, neq; à veteribus unquam quæsitum aut dubitatum, neq; Imperatori ad decidendum id propositum fuit; sed illud unicè in quæstionem deductum est, an, re *post mortem* dari jussâ vel promissâ, obtineat regula, ne post mortem ab herede incipere actio queat. Et in hac specie, seu intuitu & contemplatione hujus clausulæ *post mortem*, regulam istam è medio tolli necesse est, ex quo in d. l. 11. vitiosum visum est negotia propter clausulam, *post mortem dari*, corrumpere. Ita ergo pergit: *Sed nobis necesse est, ne prioris vitii materiam relinquamus, & ipsam regulam è medio tolle-*

tollere, ut liceat ab heredibus & contra heredes incipere actiones & obligationes. Deniq; ratione additâ concludit, quâ doctrina hæc accuratè denuò firmatur: *Ne, inquit, propter nimiam subtilitatem verborum, latitudo voluntatis contrahentium impediatur.* Certissimò indicio, unice controversam ibi fuisse, de intellectu verborum, *post mortem*, quæ ita intelligi possunt, ac voluntatum conservandarum causâ debent, ut iis includatur ipsum momentum mortis, quo jus natum jam est in persona defuncti. Aded ne cogitatum quidem ibi fuit de specie, quâ jure nulla planè obligatio in defuncto fuit, sed tota inchoanda esset ab herede, quod nec jure nec ratione salvâ dici potest; ut pluribus jam demonstratum fuit.

§. 14. Cui conveniens videtur, in *d. rubr. C. Ut act. ab her. &c.* non significari legem vel regulâ, nec eam præcepti sensu, sed enarrationis modo conceptam esse; ut sententia non hæc sit, *quod* actiones debeant incipere ab herede & contra heredem; sed *quemadmodum, qualiter, quomodo.* Uti in illo Horatii, *l. 1. Carm. Od. 9. Vides, ut ut alta stet nive candidum Soracte.* Ita Cicero lib. 1. ad Atticum cap. 13. Incip. *Quæris ex me. Credo Te audisse quæ consurrectio judicum facta, ut me circumsteterint, ut apertè jugula sua pro meo capite P. Clodio ostentarent. i. e. qualiter, seu quomodo.* Et alibi: *Omitte, ut sit factum uterq; nostrum. i. quemadmodum.* Vid. Hadrian. Cardin. de Serm. lat. pag. 183 Et sic pariter in *d. rubr. Ut, i. e. quomodo, actiones ab herede & contra heredes incipiant.* Ut hoc magis appareat in *d. l. un. singularem tantum modum exceptum, regulam verò adhuc in contrarium esse.*

§. 15. Hinc jam facilis & certa demonstratio est, mandati obligationem, quæ re integrâ necdum ulla fuit in defuncto, non posse inchoari ab herede;  
eoq;

eoq; corruere varias illas opiniones & responsiones *Id.*  
*sup. §. 2. relatas ad l. f. ff. de solut.* neq; pati ullam ex-  
 ceptionem quod ibi dicitur: *Ei cui jussu debitorem meum*  
*post mortem meam solvere, non recte solvi; quia mandatum*  
*morte dissolvitur.* ac inprimis perpetuam esse regulam,  
 mandatum morte finiri, qualitercunq; expressa he-  
 redum quoq; facta fuerit mentio. Quod ea quoq; ra-  
 tione confirmamus, quia nec in cæteris contractibus,  
 nedum in mandato, heredi pacisci possumus, nisi &  
 nobis; nec heredem obligare, nisi & nos obligemur:  
 Tum enim valet & in herede, quasi unâ nobiscum  
 personâ. Atq; ita notabiliter dicitur in *l. 38. §. 14. ff.*  
*d. verb. obl. Suae personæ adjungere quis heredis personam*  
*potest.* Aded ut nec valeat etiam ille, qui non ut heres  
 adjunctus est, ex post facto heres fiat *l. 17. §. 4. ff. de*  
*patr. junct. l. 33. ff. eod. tit.*

§. 16. Hæc ergo cum tam certi juris sint, pate-  
 bit quoq; inde decisio casus Cambii, qui in facto conti-  
 git, & *Amplius. Facultati Juridica Viadrina* nuper oblatus  
 fuit. In ejus specie promisor mandavit heredibus suis,  
 ut post quatuor septimanas à tempore mortis solverent  
 Cajæ 300 thal. hac formulâ: *Drei Wochen nach meis*  
*nem Todt / gelobe ich und verspreche / daß meine Erben*  
*diesen meinen Sola Wechselbrieff an Cajam, die Summa*  
*von 300 Rthl. zahlen sollen; den Behrt von Sie habe*  
*baar empfangen / mit Verpfändung meines Vermögens*  
*2c.*

An mich.

§. 17. Responsum est, nullius momenti esse lite-  
 ras, nec vim cambii habere; Obligatio enim ex lite-  
 ris illis inciperet ab herede cum nulla fuisset in de-  
 functo. Ille enim se nullo modo his literis obligave-  
 rat

rat ad solvendum, sed unicè heredes suos; Neque ipse unquam se soluturum promisit, sed, post mortem suam, heredes. Quin etsi mandatum esset, tamen morte finitum esset. Nunc nec mandavit quidem id heredibus, quippe mandatum fieri non potuit nisi utriusq; partis consensu, qui nullus unquam fuit à parte heredum; neq; ullum negotium fingi potest quod cum heredibus contractum sit. Sed neq; formam legalem literæ istæ habent, & nec referri possunt ad ullam Cambii, sive *eines eigengen* sive *eines trasfirtten* *Wechsels*/ ut vocant, speciem; sed è contrario subjecta clausula, an *miß*/ cum ipso contextu pugnat.

§. 18. Neque dici potest, adjectâ clausulâ, *post mortem* solvi, negotium valere, *d. l. 11.* & actionem ab herede incipere posse. *d. l. un.* Id enim ideo constitutum est, quia illud tempus, *post mortem*, statim incipit à momento mortis, quod vitæ tribuitur; quo fit, ut jus in persona defuncti radicum jam intelligatur, etsi ipse actionē instituere nequiverit; id enim non est ex defectu juris, sed vitæ, quæ momento illo desit. Id verò longè aliter se habet in ista formula: *Vier Wochen nach meinem Todt*: Quod tempus neq; incipit à momento mortis, neq; ullatenus continens est vitæ, sed 4. septimanarum spatio inde avulsum ac remotum. Superest igitur, ut actor ex mutuo agat & solutionem valutæ probet. Quæ omnia cum fusiùs excussa fuerint in prædicto Responsò, ejus exemplum ad majorem rei illustrationem subjungimus *post §. 19. in f.*

§. 19. Sequitur nunc, ut, quod caput rei est, respondeatur ad *d. l. 12. §. fin. & l. 13. ff. Mandat.* ubi expressa hæc verba sunt: *Si ut post mortem sibi monu-*

D

*men-*

mentum fieret quis mandavit, heres ejus poterit mandati agere. Idem est, etsi mandavi tibi, ut post mortem meam heredibus meis emeris fundum. Quo proinde constat, mandatum morte finitum non esse: nec Dd. responsiones sup. §. 2. allatas sufficere, hætenus ostensum est. Ut igitur huic rei satisfiat, dicendum est, agi hic de ipsa hac clausula: *Post mortem fieri*: De quâ quidem olim disceptatum fuit, an momentum mortis eâ comprehensum sit; & regulariter receptum fuisse, non intelligi comprehensum, apparet ex §. 12. de inut. stip. Verum non minus ex d. l. 12. in fin. & d. l. 13. patet, exceptionem admisam fuisse in mandato de monumento post mortem extruendo: atq; in ea specie benigniorem interpretationem placuisse, ut sub verbis, *post mortem*, ipsum quoq; mortis momentum, quod vitæ adhuc commune est intelligatur, etsi in cæteris causis id negabatur. Etenim in omni jure, ubicunq; occasio esse potest, excipitur à stricto jure causa religionis: Ita dominus, qui, consentiente quoq; fructuario, servitutem fundo imponere non potest, l. 15. in f. ff. de usufr. religiosum tamen eum facere potest; idq; placuisse dicitur favore religionis. l. 17. pr. ff. eod. tit. Ita socius invito socio nihil inferre in locum communem purum potest, at sepulcrum in eo facere, si impediatur, utili actione obtinebit. l. 43. in fin. ff. de Relig. ubi hæc ratio additur: Nam propter publicam utilitatem, ne insepulta cadavera jacerent, strictam rationem insuper habemus: Quoniam non nunquam in ambiguis religionum questionibus omitti (stricta ratio) solet: NB. Nam summam esse rationem quæ pro religione facit. Longè magis igitur illa prævalebit hoc casu, ubi tantum quaritur de sensu ambiguo clausulæ, *post mortem*, quæ etsi stricta ratione



momentum mortis continere visum non fuerit; favore tamen religionis scil. in sepulcris & monumentis, admiserunt illud veteres quoq; Jcti, (nam post *d. l. 11. & d. l. un.* verum est mandatum morte non finiri per clausulam, *post mortem*; ut haftenus ostensum) quorū tres, Ulpianus, Marcellus & Cajus, qui memorantur in *d. l. 12. & 13.* id admittere non dubitarunt. Inprimis cū illud non fiat, nisi post mortem. Nec dices: In *d. l. 13.* agi de fundo emendo. Nam ex connexione patet, quæri ibi de fundo ad usum monumenti. Etenim in *fin. d. l. 12.* cui cohæret *d. l. 13.* quæsitum fuit, cujus pecunia monumentum fieri deberet? Et responsum, etiam pecunia mandatarii *si ita ei mandatum esset.* Quod deinde ampliatur in *d. l. 13.* *Etiā mandari posse ut quis fundum emeret heredibus.* Quæ tamen ita cum effectu mandantur, si vicissim ei aliquod emolumentum pro eo relictum fuerit, juxta *l. 12. §. 4. ff. de Relig.* Nam & mandatarius agere mandati potest, ut sibi pecunia ad parandum detur, *d. l. 12. §. ult. in f. ff. Mand.* ne officium ei damnosum sit. Atq; ita hic quoq; scrupulus qui adeo exercuit Dd. penitus evulsus est. *Conf. Mantic. de Tac. & amb. conv. lib. 7. tit. 24.*

Sequitur jam exemplum Responsi Ampl. Fac. Viadr. d. 16. Jan. h. a. dati cujus *sup. §. 17. & 18.* mentio facta;

**S**Ut Sempronius Anno 1711. in der Ofter-Messe einen Wechsel-Brieff einer Frauen Cajæ, welche/wie auch ihre Ehe-Mann / sehr bedürfftig ist / folgenden Inhalts aufgestellt:

Vier Wochen nach meinem Tode/ gelobe ich/ und verspreche / daß meine Erben diesen meinen Sola Wechsel-Brieff an Cajam, die Summa von 300. Rthlr. zahlen sollen/ den Werth von sie habe baar

empfangen/ mit Verpfändung meines Vermögens/ nehme Gott zu Hülffe.

An mich-

Sempronius.

Und ist kurz hernach gestorben/ ohne daß Baarschaft bey ihm gefunden worden/und Er einige Verfehrung vorher mit der Caja gehabt/ Als halten wir dafür/ daß die Sache auff verschiedene Fragen ankomme/ und dieselbe vorab zu separiren seyn; Maßen Erstlich/wie in allen Stipulationibus, also auch in Literarum obligationibus zwei unterschiedene Obligationes sind/ als die causa debendi principalis, und dann die darüber formirte Stipulatio oder ausgestellte literarum obligatio, welches bloße cautiones sind/ quæ accedunt firmandæ obligationi principali, und die dritte speciem cautionis, repromissionem scil. bestellen.

*arg. l. 1. §. 4. verb. omnes stipulationes sui naturæ cautionales esse, ff. de Stipul. Prat. l. 40. princ. in verb. cautio hujusmodi. ff. de Reb. cred. l. 3. in fin. C. de Verb. sign.*

Und demnach wann causa debiti fehlet/ auch dieselbige von Unkräften sind/ und exceptione elidiret werden.

*l. 2. §. 3. ff. de del. mal. exc.*

Deme zu folge dann auch in Chirographo cambiali ein anders ist die Haupt-Schuld/wofür in diesem Schein ein mutuum à 300. Rthlr. angegeben wird/ und dann der darüber ausgestellte Wechsel-Schein/ woraus dann diese zwei Fragen entspringen:

(1.) Wie weit wieder die Erben das Wechsel-Recht statt habe?

(2.) Wie weit Sie Jure communi aus dem darin benannten Mutuo, ut causa debendi, belanget werden können?

Was die erste Frage anbetrifft/ weil dann überall zwei formeln oder Gattungen von Wechsel-Brieffen sind/ worauff nach Wechsel-Recht verfahren wird/ als erstlich ein eigener/ und dann ein so genannter traslirter Wechsel-Brieff: da dann ein eigener derjenige geneset wird/ in welchen der Aussteller selbst zu

zu bezahlen verspricht; Und demnach auff der Verfall-Zeit/ wieder ihn/ oder/ da Er vor der Verfallzeit verstirbt/ wieder seine Erben verfahren wird. Von welcher Gattung der quæstionirte Wechselbrieff nicht ist/ als worin es so weit fehlet/ daß der Aussteller selbst zu bezahlen versprochen/ daß Er erst 4. Wochen nach seinem Tod zu bezahlen den Erben aufgetragen. Ein traslirter Wechsel aber derjenige benahmet wird/ an welchen der Aussteller einen andern den Wechsel zu bezahlen aufgegeben/ wieder welchen aber daraus nach Wechsel-Recht nicht anders verfahren werden kan/ als wenn er den Wechsel-Brieff acceptiret/ wie aus denen Wechsel-Ordnungen bekand ist; Folgendes kan aus diesem Wechselbrieff auch solcher gestalt/ und wann man ihn schon für einen traslirten Wechselbrieff halten wolte/ wieder die Erben nach Wechsel-Recht nicht verfahren werden; weil dieselbe ihn nicht acceptiret/ aus einem traslirten Wechsel-Brieff aber bekandlich alleine wieder den acceptanten nach Wechsel-Recht geklagt werden mag.

So daß Sempronii Erben daraus/ weder als aus ihrem eigenen weil sie die Aussteller nicht sind/ noch als aus einem traslirten Wechsel exequiret werden können/ weil sie keine acceptanten sind.

Deme dann nicht entgegen ist/ daß Sie als des Ausstellers Erben an dessen Contract gehalten sind; Maßen eine andere Frage ist/ Ob Sie als Erben/ aus des Defuncti Contract belanger werden können/ wovon die zweyte Frage handelt/ eine andere aber/ Ob wieder Sie nach Wechsel-Recht aus einem Wechsel-Brieff verfahren werden könne/ welchen Sie weder ausgestellt noch acceptiret haben/ und voraus auch der Defunctus selbst nicht/ vielweniger dessen Erben nach Wechsel-Recht belanger werden können. Und streitet also wieder alle Rechten/ daß ein Wechsel-Recht/ welches wieder den Verstordenen selbst nicht statt gehabt/ auch wann er schon 30. 40. und mehr Jahre gelebet hätte/ nie statt haben können/ wieder dessen Erben jure hereditario bestehen solte / quia omne jus  
D 3 here-

hereditarium est successivum in jus defuncti.

*l. 24. ff. de Verb. sign. l. 61. ff. de Reg. Jur.*

Et ideo, quod jus in defuncto non fuit activè vel passivè, per naturam in heredes transmitti non potuit, nec intelligi jus hereditarium, quod defuncti non fuit.

*l. 54. ff. de Reg. Jur. cap. 79. eod. tit. in 6.*

Unde heredem ejusdem potestatis jurisque esse, cujus defuncti fuit, constare dicitur.

*in l. 59. ff. de Reg. Jur.*

Deme die Regul hinzu tritt / quòd ex persona heredum conditio obligationis immutari non possit,

*l. 2. §. 2. ff. de Verb. Obl.*

Und also nicht geschehen kan / daß eine Obligatio in personis heredum obligatio cambialis werden solte/ die in persona defuncti es nicht gewesen. Welches dann auch in der Leipziger Wechsel-Ordnung wohlbehutsamlich in acht genommen ist/ inassen daselbst art. 4. eben hierin der Unterscheid zwischen eigene und andere Wechsel gemacht / und daß die Erben nach Wechsel-Recht exequirert werden können / restringirt wird ; Da denn in d. art. 4. es also lautet : „So ist dißfalls vornehmlich zwischen eigenen und andern Wechseln zu unterscheiden ; dann ein eigener Wechsel-Brieff / er sey noch in der ersten Hand oder an andere transportiret/ bedarff keiner sonderlichen präsentation noch acceptation , sondern der Schuldner ist denselben jedesmahl zur Verfall-Zeit zu bezahlen schuldig/ oder muß gewarten / daß in dessen Verbleibung wieder Ihn nach Wechsel-Recht oerfahren werde. NB. Da auch der Schuldner vor der Verfall-Zeit verstorben wäre/ darff dessen Eigener Wechsel-Brieff seinen Erben ebenfalls nicht absonderlich zur acceptation präsentiret werden. &c. „ Woraus offenbahr ist/ daß wieder des Aufstellers Erben nach Wechsel-Recht nicht anders verfahren werden könne/ als in Eigenen Wechsel-Brieffen / aus welchen auch wieder ihn selbst/ wann Er nicht vor der Verfall-Zeit verstorben wäre/ exequirert werden könne/ welches auch

ex art. 32. bekräftigt told. Ferner auch/ daß die Erben dis-  
falls jure cambiali nicht belanget werden mögen/ ex ipsa ne-  
gotii forma erhellet/ maßen ein Eigener Wechsel nur ein ne-  
gotium und ein contractus ist/ vermittelst dessen der Aus-  
steller sich selbst zur Bezahlung verbindet/ und demnach/ da  
Er vorher verstürbe/ die Erben in seine Stelle treten; alle übrige  
Wechsel aber/ da der Aussteller an einen andern als sei-  
nen Erben/ oder an andere die Bezahlung verweist/ sind ein  
zweifaches negotium, und ein zwisfacher ac inter alios & a-  
lios initus contractus, als erstlich zwischen dem Aussteller  
und dem Remittenten oder Empfänger/ da dieser jenem einge-  
wisses Geld bezahlt/ welches ihm anderwärts wieder bezahlt  
werden soll/ und also eine Gattung mutui ist: und dann  
zweitens zwischen dem Aussteller und demjenigen der es  
anderwärts wieder auszahlen soll/ welches ein wahrer con-  
tractus mandati ist/ wodurch der Aussteller dem andern die  
Bezahlung für sich aufträgt / und demnach dieser daraus  
nicht anders gehalten ist/ als wann Er acceptirt/ cum nul-  
lum mandatum sit, nisi utriusque consensus concurrat; nec  
id quicquam aliud sit quam conventio, quæ sit mandato uni-  
us & acceptance alterius.

§. 11. Mandat. l. 1. p. 1. l. 6. §. 1. & pass. l. 22. §. fin. ff. eod. tit.

Folgendis disfalls da der Aussteller/ ohne sich zu verbinden/  
die Zahlung alleine seinen Erben aufgetragen/ diese daran  
keines weges gehalten seyn können/ theils quia mandatum nul-  
lum est, quippe quod factum non est consensu duorum inter  
vivos.

dd. II.

Indeme zwischen dem Aussteller und den Erben hierüber in-  
ter vivos nichts gehandelt/ weniger diese inter vivos consen-  
sirt/ auch noch deren consensus nicht vorhanden/ mithin sie  
hoc factum defuncti, quod ipso jure nullum est, zu prästiren  
nicht schuldig sind.

Hartm. Pfist. Obs. 190. n. 10. & seqq. Carpz. part. 2. const. 14.

def. 70. num. 7. & seqq.

Theils auch quia, licet consensus quoque inter vivos inter-  
venis-

venisset, mandatum tamen de solvendo morte mandantis dissolvitur:

*per l. ult. in fin. ff. de solut.*

Dahero dann die Erben an ein Wechsel-Recht/ als/ welches auff einem solchen Mandat und acceptation beruhet/ so disfalls gänzlich fehlet/ nicht gebunden sind.

Über dem auch das Wechsel-Recht ein sehr exorbitantes Recht ist/ als welches ab executione reali anhebt/ und demnach dessen Form strictissimi juris und nicht zu extendiren ist; die rechtmäßige Form des Wechsel-Rechts aber an diesem Wechsel-Brieff mangelt; indem es weder die Form eines eigenen Wechsel-Brieffes hat/ weil der Aussteller nicht selbst die Zahlung versprochen; noch eines trasirten/ weil dessen Form darin bestehet/ daß/ wann der Mandatarius den Wechsel nicht acceptiret/ sodann der Remittent seinen recours wieder den Aussteller jure cambiali nehmen möge; disfalls aber solches fehlet/ weil der Aussteller selbst gar an das Wechsel-Recht nicht gebunden seyn wollen/ sondern erst 4. Wochen nach seinem Tod die Bezahlung den Erben aufgegeben. Nicht weniger auch mit der Wechsel-Form streitet/ daß darunter gesetzt ist/ An mich: welche formul sonst so viel bedeutet/ daß er selbst bezahlen/ und der Remittent an ihn selbst es suchen solle/ der Inhalt des Wechsels aber dem widerspricht/ und/ daß erst 4. Wochen nach seinem Tode/ von den Erben/ nicht aber von ihm fodern solle/ anzeigt/ und also keine legalis forma Cambii ist.

Zugeschweigen daß/ wie wir unvorgreiflich davor halten/ eine solche convention, da einer/ ohne sich selbst zu verbindend/ verspricht/ daß seine Erben 4. Wochen nach seinem Tode etwas bezahlen sollen/ in Rechten nichtig und unkräftig seye/ anerwogen/ vormahls insgemein die Conventiones verworfen wurden/ quibus quis post mortem suam spondebat: und bloß solches in so weit geändert ist/ daß/ wie die formuln, *cum morietur*: also auch die formul, *pro die mortis*, vel *post mortem*, bestehen möge/ *l. 1. C. de Contrah. Stip. §. post mortem. l. 2. de Inst. stip.*

Nem.

Nemlich/weil auch diese letzte formul also genommen und erkläret wird / daß die Promission sofort anhebt in dem moment da der Promissor verstirbt / solches moment aber noch zu dem Leben gerechnet / und also dafür gehalten wird / daß es noch bey dessen Leben angehebt;

*l. 8. §. 1. ff. de Manum. testam.*

Und also inder Person des defuncti fundiret worden / mithin obschon wieder ihn selbst daraus keine action mehr formiret / dieselbe doch ex jure in persona defuncti fundato & constituto wieder die Erben angehebt werden könne;

*l. Un. C. Ut alt. ab her. Et.*

Solches aber auff den fall nicht gezogen werden mag/wann es nicht heist / Nach meinem Todt / quæ incipit à momento quo moritur & adhuc vivere intelligitur; sondern / vier Wochen nach meinem Todt/welches moment nicht mehr zum Leben gerechnet werden kan / nec tunc intelligi potest adhuc vivere, & sic in ejus vivi persona jus jam radicatum fuisse. Und/wie dem allem / doch aus den übrigen obstehenden Uhrsachen / die Sache richtig scheint.

Alß halten wir dafür / daß wieder die Erben aus dem vorgezeigten Schein/nach Wechsel-Recht nicht verfahren werden möge / sondern nur die zweyte Frage übrig sey; Ob sonsten Caja darauff zu klagen befugt seye?

Ob nun schon die Erben/was ihr Erblasser empfangen und zu erstatten versprochen / zu bezahlen schuldig sind / daß aber derselbe den Werth à 300. Rthlr. baar empfangen / aus obgem. Schein/worin Er solches eigenhändig bekennet / erhehlen solle; und wann schon die Erben exceptionem non numeratæ pecuniæ vorschützen wolten / dieselbe doch wieder Wechselbrieffe nicht statt hat / sondern zur reconvention verwiesen wird.

Alldiemeil aber nicht nur aus dem Bericht starke Muthmassungen sind / daß Sempronius den Behr der 300 Rthlr. nicht empfangen / indem Er sofort gestorben / und doch keine Baarschafft bey ihm gefunden worden / die Klage-

rin auch selbst sehr bedürffrig / und in dem Stande nicht ist / 300. Nthr. baar verstrecken zu können / ihr Ehe-Mann gleich falls auch nicht bemittelt ist / und Caja mit Sempronio vorher keine Verkehrung gehabt hat ; Sondern auch da / laut voriger Frage / dieser Schein die Krafft eines Wechselbrieffes wider die Erben nicht haben kan / die Exceptio non numerata pecuniae statt hat / welche auch wieder guaranteegiata instrumenta eingewandt werden mag.

*Carpz. Jurispr. for. part. 1. Const. 32. def. 65. et ibi alt.*

Und so dann der empfang oder die würckliche Bezahlung des Betrags erwiesen werden muß ;

*l. 3. l. 10. C. de Non num. pec.*

In übrigen auch / wann dieser Empfang nicht beständig erwiesen wird / keine causa debendi vorhanden / woraus die Erben besprochen werden können ; Maassen wann schon es gehalten werden könnte als ein Mandatum de solvendo hereditibus inunctum ; ja wann auch schon der defunctus seinen Erbenes würcklich befohlen / und diese es übernommen hätten / es doch von ohnkrafftigen seyn würde / quia mandatum de solvendo morte mandatis dissolvitur.

*per l. ult. in fin. ff. de solut.*

Folgende die Erben ex nulla causa debendi, und weder ex causa ibi nominata mutui belanger werden können / wann der baare Empfang nicht erwiesen wird / noch ex mandato de solvendo, weil kein mandatum inter vivos zwischen den Erblasser und seinen Erben geschlossen / und wann schon eines were / solches doch morte mandatis gerilget seyn würde ; Nithin die Erben kein factum defuncti zu prästiren / woran derselbe auch selbst nicht gebunden gewesen / sondern darwider exceptionem non numerata pecuniae opponiren können ; quae exceptio etiam hereditibus datur.

*l. 8. l. 14. princ. C. de non num. pec.*

Als halten wir dafür / daß da Caja nicht beweisen könnte / daß Sie dem Sempronio 300. Nthr. baar vorgeschossen / und würcklich bezahlet hätte ; die Erben zu absolviren wären. W. H. W.

SECTION



SECTIO IV.

Solvit pugnam inter L. 5. §. pen. & L. 17.

§. 3. ff. de Instit. act.

SUMMARIA:

- §. 1. **E**Xcipià regulâ, Mandatum mortè finiri, casum, si mandatarius mortuum ignoraverit.
- §. 2. Adversari videtur, quid, qui cum Institore contrahit, agere possit contra heredes proponentis, etsi mortuum sciverit. L. 17. §. 3. de Inst. act. cui rursus obstat L. 5. §. pen. eod.
- §. 3. Notatur Fabri studium corrumpendi leges, & arrogantia.
- §. 4. Non hic agi de actione mandatarii, sed extranei qui cum illo contrahit; & certum esse, ei qui aditâ hereditate contrahit, dari institutoriam etiam scienti.
- §. 5. Idem esse cum nondum adita hereditate contraxit, & eâ aditâ Instititor remotus non est.
- §. 6. In d. L. 17. §. 3. vers. non enim, non rationem esse; sed tacite objectionis remotionem.
- §. 7. Dubium ergo tantum relinqui in casu quo Instititor non est receptus ab herede, vel id non apparet.
- §. 8. Certum esse, hoc quoque casu ingnoranti dari institutoriam, sed ambiguum videri, num in d. L. 5. §. p. exclusus sit sciens, an id in medio relictum, & ex aliis legibus supplendum?
- §. 9. Posterius recipitur & probatur.
- §. 10. De aliis casibus similibus. Mandato aliis quoque modis extincto, si quis solvat ignorans, liberatur.
- §. 11. Etsi cum servo mandatum nullum sit, idem tamen effectus est; ubi Uinnius notatur.
- §. 12. Illustratur aliis exemplis.
- §. 13. His casibus dari quidem liberationem & actionem igno-

ignoranti, non tamen valere alienationem.

§. 14. Alia species, ubi mandatum de solvendo non est revocatum, sed alter accipere prohibitus; ubi solvens eo magis liberatur.

§. 15. Hoc casu rem quoque fieri accipientis.

§. 16. Utrâque specie, qui dolo accipit, furtum committit.

§. 17. Aliis juribus causa variat: at omnia ab eodem fonte manant.

§. 1.

**I**Nter causas, quibus mandatum à regulâ desciscit & morte non finitur, ille casus est notissimus, si mandatarius ignorans mandantem esse mortuum mandatum exequitur: Ipsi enim in heredes mandantis, & his in Ipsum actio mandati datur. Etsi enim mandatum stricto jure finitum sit morte, tamen propter utilitatem, ex æquo & bono receptum est, ut actio duret. §. 10. de mandat. l. 26. pr. § 8. pr. ff. eod. tit. ne justa & probabilis ignorantia damnum adferat. d. §. 10. Nec movet, quod in d. l. § 8. pr. mandato extincto actionem tantum mandati durare dicitur. Nam ibi res gesta jam erat vivo mandante, ut non opus fuerit ad extraordinarium æquitatis beneficium confugere.

§. 2. Mandati autem species est præpositio exercitoris, quâ negotiationem suam alii mandat. Unde dicendum videtur, præponentis seu mandantis morte tolli præpositionem, nec succurri ei qui cum præposito contrahit, nisi ignoret præponentem mortuum. Verum contradicit Jctus in l. 17. §. 3. de Inst. act. Non esse imputandum ei, qui sciens dominum decessisse cum Institore exerceente mercem contrahat. Cui rursus adversatur textus in l. 5. § pen. ff. eod. tit. ubi dicitur, æquisi-

mum

*mum esse, ignorantem* (mortuum esse præponentem) *dari institoriam actionem.* Quâ in re, & similibus casibus, mira videtur legum varietas.

§. 3. Equidem facile se exolvit Legum ille corruptor, Ant Faber, vanitatis & arrogantia immodicus; qui more suo lectionem textus invertit, & in *d. l. 17. §. 3. pro sciens legit, nesciens. Lib. 2. Conject. 11.* Ita sanè conveniunt textus, & hac mutatione in utroq; legitur de ignorante vel nesciente. *Vid Bachov. ad Treut. Vol. 1. Disp. 24. thes. 7. lit. E.* Quâ nulla funestior pestis in leges defavire potuit. Cæterum aut fallimur, aut acrior est, coactis hoc ictu in concordiam verbis, pugna, quàm antè fuit: Nec per hoc vulnus sanatur textus, sed spes quoq; sanandi confoditur. Restituto igitur in primis textu, sensus quoq; planus salvusq; fiet.

§. 4. Scilicet in hâc præpositione res non vertitur inter mandantem & mandatarium, sed de alio quæritur, cum quo nullum mandatum initum est, an actio ei competat si cum præposito contraxerit, mortuo præponente. Quod si enim ipse præpositus seu mandatarius mortuo præponente seu mandante, sciens eum mortuum, aliquid ex mandato egerit, indubitata constat, ei actionem non dari mandato morte extincto. *per. §. 1. sup.* Sed, si non ille, mandatarius, sed alius cum mandatario contrahat, dubitatur, num ei, licet scienti institoria detur contra præponentes heredes? Ubi id primum certum est, si adita hereditate præponentis aliquis contraxerit cum præposito, institoriam ei dari, etsi sciverit præponentem mortuum. Hic enim utiq; nihil imputandum est extraneo, qui sequitur fidem ejus quem videt mercem publice

blicè exercere; *l. 17. §. 3. ff. de Inst. act.* sed in universum heredibus præponentis, qui patiuntur institorē exercere mercem, adeoq; & ipsi tacitè mandant: quia aliàs remove debebant institorem à merce, si nolent ejus operà uti. *l. 11. princ. ff. eod. tit.* Atq; in eo conveniunt textus omnes in *d. l. 5. §. p. d. l. 11. pr. & d. l. 17. §. 2. & §. 3.*

§. 5. Sed nec magis dubitandum arbitramur, qui n& is, quinondum aditâ hereditate contraxit cum Institore, sciens præponentem mortuum, adhuc agere institoriâ queat, si eâ aditâ remotus non fuerit: Nam ita heredes institorem eundem & ipsi retinent, eoq; & ipsum, omniaq; quæ medio tempore gessit, comprobant, quod & patet ex *d. l. 5. §. pen. in pr. ff. de Inst. act.* ubi agitur de heredibus, qui eodem institore utuntur, adeoq; aditâ hereditate eum non removerunt. Et ex *l. 17. §. 2. & 3. ff. eod. tit.* ubi extitit heres, & in *d. §. 2. deinde contractum fuisse dicitur; in d. §. 3. autem, contractum nondum aditâ hereditate intercessisse: & utroq; casu institoria simpliciter etiam scienti salva est; etiam contra heredes pupillos & furiosos: d. l. 17. §. 2. & 3. l. 11. pr. eod. tit.* quia non ex consensu tenentur, sed ex re, seu gestione. *l. 3. §. 5. ff. de Neg. gest. l. 24. voc. obligatio. l. 70. §. pen. in fin. ff. de fidej.*

§. 6. Ei verò objicitur in *d. l. 17. §. 3.* quodd imputandum videatur ei, qui sciens dominum decessisse cum Institore contrahat. Sed huic tacitæ objectioni occurritur in *d. §. 3.* & asseritur, non esse id ei imputandum quodd contrahat cum Institore mercem actu exercente: Id enim absolvere ipsum ab omni imputatione videtur, quod Institor quasi publicè mercem exerceat, & promiscuè alii quoq; fidem e-  
jus,

jus, quem exercere mercem vident, sequantur; neq; adeò cuiquam eorum id fraudi esse debet, qui publicà quodammodo fide contrahunt. *arg. l. 8. l. de remis. pign. Ant. Fab. C. ad Scit Vell. lib. 4. tit. 21. def. 2. n. 4.* Præsertim cum ad utilitatem heredum id spectet: Nam aliàs jacente hereditate intermitteri oporteret omnem negotiationem, & deserere tabernam, cum maximo ipsorum heredum & bonorum detrimento ac dispendio. Quamobrem licet mandato præpositionis morte finito, tamen institoriam dari propter utilitatem promiscui usus receptum dicitur in *d. l. 17. §. 2.*

§. 7. Quid ergò jam respondendum est ad *d. L. §. §. pen.* ubi ignorantiam eam dari æquum dicitur? Equidem duo casus jam omni dubio exempti sunt, nimirum si vel aditâ jam hereditate cum Institore contractum, sive antè quidem, sed Institor eâ deinde aditâ retentus, atque adeò præpositio à defuncto facta, ab heredibus continuata est, adversus quos proinde institoria etiam scienti indubitato datur. *Ad II.* Nō potest igitur superesse dubium nisi in casu quo nondum aditâ hereditate quis eam Institore contraxit, & non apparet, num ab heredibus continuata vel comprobata sit præpositio, an & tum contrahenti concedenda sit institoria?

§. 8. Id planè certum est, *ignoranti dari*; unde id tanquam indubitatum respondet Jctus, *æquum esse ignorantiam dari*: Cum propter ignorantiam ipsa quoque mandati actio continetur in heredes. *sup. §. 1.* Sed quæritur, utrùm Jctus in *d. L. §. §. p.* excludere voluerit scientem, & restringere id ad ignorantem; an verò idem tantum meminerit ignorantis, quod de eo per omnes casus certum, de sciente verò in quibusdam adhuc dubium ipsi visum fuerit, & idem in præsens decideret.

decisioni ejus quod minus dubitabile esset, acquieverit? Quo sensu ex aliis legibus id supplendum ac decidendum esset. Et hoc posterius probabilius & reliquis legibus convenientius videtur.

§. 9. Etsi enim ea ratio in sciente cesset, quodd heredibus imputandū sit, qui non removerunt; *per §. 5. sup.* quia non potuerunt nisi hereditate aditā: tamen altera illa ex *d. l. 17. §. 3. quod non sit imputandum ei qui sciens cum Institore contraxit*; adhuc persistit. Utique enim imputatur ei scientia, si actio negetur. Sed & illud in subsidium venit, quod in *d. l. 17. §. 2.* singulariter propter utilitatem promiscui usus receptum esse in genere dicitur, ut, quoad institor mercem exercet, institoria detur, adeo ut & contra pupillum & furiosum non denegetur. *d. l. 17. §. 2. & 3.* Unde, cum quaestio hac in plures casus diducta esset, & de omnibus non aequē constaret, contentus fuit JCtus id definire, de quo per omnes casus certus erat; *ignoranti saltem dari actionem*; alterum verò, *an & scienti?* cum in quibusdam casibus, uti, si non constaret, institorem ab heredibus quoq; receptum & probatum fuisse, id magis dubium esset, in medio relinquendo. Quod proinde si aliis legibus id decisum reperitur, inde supplendum est. Nam id aliās quoq; JCtis usu venit, ut in specie *l. 5. junct. l. 3. §. fin. ff. de Separat.* Quamquam & ipse JCtus in *d. §. pen.* in id pronior fuisse videtur; cum & in *princ. d. §. p.* & in omnibus casibus continuē sequentibus institoria simpliciter permittatur contrahentibus cum praeposito mercem exercente. Atq; ita & visum est glosae ad *d. l. fin. §. pen.* ubi dicitur, subaudiendam esse vocem *maximē* vel *saltem*: ut sensus *d. l. 5. §. pen.* sit, *Aequum esse, ignorantī saltem, vel maximē,*

mè, dari *institutoriam*. Conf. *Bachov. ad Treutl. Vol. 1. Disp. 24. thes. 4. lit. E.* Et tantum de hac quoque collisione iurum.

§. 10. Cæterum hæc æquitas, quæ mandatario ignoranti mandantem mortuum esse, actio, non obstante regulâ contrariâ, ex æquo & bono datur, etiam in aliis casibus similibus recepta est. Accidit enim ut mandatum aliis quoque modis finiatur; nam si quis servum dispensatorem fecerit, id est, Kalendario seu pecuniis fœnerandis & exigendis, præposuerit, *l. pen. pr. ff. de Reb. Cred.* eoq; deinde manumisso vel alienato, debitor id ignorans ei solverit, ipso jure hic non liberatur, sed ex æquo & bono. §. 10. *in fin. de Mand. L. 18. ff. de Solut. d. l. pen.*

§. 11. Equidem inter dominum & servum mandatum non est, & hic non suo consensu sed ex necessitate servili gerit: *L. 19. §. 2. ff. de Neg. gest.* Nec placet quod *Vinnius ad §. 10. Mandat. in fin.* ait: Videri dominum mandasse debitoribus suis ut illi solvant: id enim gratis fingit. Sed verum tamen est, quodd tali servo solvi possit; ad id enim non requiritur forma mandati, sed sufficit voluntas domini, qui dispensatorem fecit. Hoc officium dispensatoris extinguitur, cum alienatione, tum manumissione; quia utroque modo extinguitur in domino potestas prohibendi servo alieno vel libero, & in servo necessitas servilis; adeoque tota negotii causa: ei tamen qui ejus rei ignarus ipsi solvit, pari ratione succurritur. *dd. ll.*

§. 12. Idemque aded erit quotiescunque causa illa, quæ solvendi vel gerendi facultas competierat, tollitur; uti si dispensator remotus fuit. *L. 51. ff. de solut.* Ita si servus contraxerit & eo facto actionem domi-

noquæsiwerit, postea verò alienatus, vel manumis-  
sus fuerit; vel si quis mandaverit alii solvere &  
mandatum revocaverit, *L. 11. ff. de pos.* non potest am-  
plius ei solvi; sed si quis hæc ignorans tamen solverit,  
liberatur. *dd. ll.*

§ 13. Cæterum, cum morte aliisque causis  
prædictis mandatum tamen extinctum sit, & ex æqui-  
tate saltem singulari, mandatario ignoranti ex gestu  
actio mandati contraria detur, vel ex solutione libe-  
ratio, consequens est ulterius effectus mandati non  
extendi. Unde, si Mandatarius ex mandato rem post  
mortem mandantis solverit vel alienaverit ignorans,  
etsi liberetur, non tamen facit quoque rem accipi-  
entis, quia extincto mandato potestatem alienandi  
non habuit. *L. pen. vers. quas verò pecunias ff. de Reb. cred.*

§ 14. Alia species est, in pluribus tamen prio-  
ri similis, si quis tibi mandaverit, ut Titio solvas, de-  
inde vetuerit, Titium accipere: Si enim ignorans  
prohibitum accipere, ei solveris, planè liberaris.  
*L. 12. §. 2. L. 18. L. 38. §. 1. ff. de solut.* quia ex Mandato  
solvis: neque enim id revocatum dici potest; cum, uti  
Mandatum, ita mandati revocatio sit actus qui fit inter  
mandantem & mandatarium, iste autem actus prohibi-  
tionis non tecum (in mandatario) intercescit, sed cū Ti-  
tio te ignorante. Neque verò ex eo actu Tibi revoca-  
tum intelligi potest mandatum, qui neque tecum ge-  
stus est, & cujus ad Te, mandatarium, notitia non per-  
venit. Ut adeò mandatum illud finitum non sit.

§ 15. Quâ ratione hanc speciem à superiore eo  
primum differre existimamus, quòd in alterâ illâ  
mandatarius, qui ignorans solvit, non faciat rem ac-  
cipi-



ciipientis: *sup. §. 12.* at in hac posteriore contrâ statuendum esse arbitramur, quòd, si Tu ignorans solvas, fiat res accipientis, cùm ex mandato domini solvas, nondum finito vel revocato. Idq; patet argumento eorum quæ traduntur in *d. l. 38. §. 1. ibi manijures eos debitoris. Conf. §. seq.*

§. 16. Eo tamen conveniunt, quòd, si Titius ab ignorante mandatario accipiat animo sibi lucrandi, eo facto furtum committere intelligatur. *d. l. 18. Et d. l. 38. §. 1.* Quo fit, ut eo casu in neutra specie res in eum transeat cui solvitur. Non in priore, quia mandatum finitum fuit. Non posteriore, quia tibi mandatario ex mandato nondum finito competiit quidem facultas alienandi; non autem Titio, ex suo furto & delicto acquirendi. *arg. l. 14 §. 3. ff. de furt.* At liberatur tamen utroq; casu qui solvit ignorans, & Titius actionibus furti tenetur. *d. l. 18. h. t. l. 38. §. 1.*

§. 17. Rursus tamen in eâ re aliquid discriminis intercedit. Condictio enim furtiva Tibi competit, si tui fuerint nummi soluti, *arg. l. 1. ff. de cond. furtiv.* uti si tibi ut debitori mandata est solutio; sed, si liberationis beneficio uteris, condictio cedenda est mandanti, qui nomen amisit hoc facto, *d. l. 38. §. 1. & actione mandati cessionem eam petere potest.* Actio furti autem mandanti dabitur, cùm tuâ, qui liberatus es, nihil intersit. *l. 10. l. 11. ff. de furt. §. 13. de obl. quæ ex del.* At in priore specie, ubi extincto mandato solvitur, ratio est, conditionem quoq; mandanti dari, si illius nummi fuerint; si enim non sint, non occurrit præter actionem furti, quæ hodie vix ullius usus est, alia actio, quâ quod sibi abest repetere possit, quàm doli mali aut in factum. *arg. l. 1. princ. C. §.*

*l. ff. de dol. mal. l. 49. ff. ad l. Aquil. § fin. eod. tit.* Quod si verò Titius non acceperit animo sibi lucrandi, consequens est superioribus, nummos in priore specie, ubi deficit mandatum, vindicari posse; in alterâ, condici. Quæ mirificè quidem variare videntur, sed omnia ita ab eodem fonte ultrò fluunt, tantusq; est in hac Jurisprudencia consensus principiorum, quanta conclusionum variatio.

## SECTIO V. De aliis exceptionibus re verâ spuriis.

### SUMMARI A.

- |  |  |
|--|--|
| <p>§. 1. <b>D</b>E exceptionibus genuinis Mantica.</p> <p>§. 2. Refellitur ejus exceptio 4. §. 6. &amp; exponitur L. 33. f. d. acq. poss.</p> <p>§. 3. Item septima, ubi explicatur L. 33. C. de Donat.</p> <p>§. 4. Et octava, ubi evoluitur L. 4. de Man. Vind.</p> <p>§. 5. Nona notatur ex Jure Can.</p> | <p>§. 6. Decima rejicitur, &amp; ostenditur sensus L. 9. §. 1. de jure dot.</p> <p>§. 7. Undecima cum sequente reprobatur.</p> <p>§. 8. Tertia decima exploditur, veraq; sententia L. 19. §. 3. de don. explanatur.</p> <p>§. 9. Quas Tuldenus addit, pariter rejectæ.</p> |
|--|--|

#### §. 1.

**F**idem dedimus, ad calcem Disputationis Nos auctores de reliquis exceptionibus regulæ, quas Dd. cumulant, & imprimis Tulden. C. Mandat. in fin. & Cardinalis Mantica, de tacit. & ambig. conv. Lib. 7. tit. 27. cujus ordinem sequemur, sed quasi per indicem

cem. De tribus igitur prioribus constat; scil. si res integra non sit; vel mandatarius ignoraverit mandantem mortuum esse. *de quo Sect. 4.* Quod verò actio duret, inter exceptiones non est; cum id regulæ non adversetur, quæ de mandato, non de actione concepta est. *L. 58. princ. ff. Mand. Vid. sup. Sect. 1. §. 3. & seqq.*

§. 2. *Quarta, num. 39.* si mandatum sit universale, falsa est, nec præpositionis exemplum huc pertinet, in quo non agitur de actione mandatarii, sed extranei, cujus est peculiaris ratio. *Vid. Sect. 4. §. 3. & seqq. Sed & Quinta, n. 40. & seqq.* proposita, inepta est: nec à voluntate partium est, quod mandatarii morte finiatur; & vanum quod ex *L. 4. ff. loc. cond.* assertur; quia pacto fieri potest, ut jus perpetuum morte finiatur; *d. l. 4.* non autem, ut quod extinctum est, ab heredibus incipiat. *sup. Sect. 3. §. 6. & seqq.*

*Sexta quoq; num. 45. & seqq.* de mandato necessario, conficta, nec quicquam ejus est in cit. *L. 33. inf. ff. de adq. poss.* Sed ea obstat magis ipsi; quia ex *d. L. 33.* venditore mortuo amicus non potest aliter tradere fundum, quàm vel heredibus, qui domini sunt, patientibus, & aded tacite denuò mandantibus, vel ipso ignorante esse mortuum. Ex quo tamen id notabile est, quod licet mandatarius ignorans ex alienatione suâ rem non faciat accipientis, *Sect. 4. §. 13.* tamen secus sit, si ex venditione defuncti tradat; nisi sciat venditorem esse mortuum, aut heredes nolle. *d. L. 33.*

§. 3. *Septima* est de procuratore in rem suam ex *L. 33. C. de donat.* in quo itidem cæcutiunt. Etenim hoc quoque mandatum morte finitur, nec hic est ex-

ceptio: Sed notandum, hinc duo esse negotia: Mandatum, quo cedens alteri cedit & mandat actionem, idque omnino morte extinguitur; & causa ex qua cessio fieri debet; uti venditio: *L. 7. § 8. l. de her. vend.* Dos: *L. 2. C. de obl. & act.* Datio in solutum: *L. 1. l. 2. C. eod. tit.* Legatum *L. 18. C. de Legat.* atque aded etiam donatio *d. L. 33. C. de donat.* omnesque in genere causæ & tituli juris translativi. *L. 20. ff. de pignor. Joh. à Sande de act. cess. cap. 8. §. 7. seq.* Nam ex his causis lege D. Pii utilis actio concessa est cessionario, etiam non secutâ cessione; quæ proinde semel jam ex titulo justo nata utique ad heredes transit, cum inde jus irrevocabile quæsitum jam fuerit defuncto. Mandatum igitur hinc morte finitum est, sed jus ex causis illis quæsitum perpetuat.

§. 4. *Octava*, quæ est *n. 53.* mandatum manumissionis non finiri ex *L. 4. princ. ff. de manum. vind.* falsa est, & refellitur ex ipsa *d. L. 4.* ubi expressè negatur libertatem servo competere, nisi illo casu ubi filius ignoraverit patrem mortuum, quæ communis exceptio est, de qua *supr. §. 1. & Sect. 5. per tot.* Et nimis frigidum est ac frivolum quod dicitur, aliud esse cessare voluntatem, aliud mutari; quia utroque casu mandatum quod sola voluntate consistit, eâ deficiente necessarium & pariter finitur; sive voluntas morte desinat, sive revocatione inter vivos. Quod autem in *d. l. 4.* requiritur, ut patris voluntas duraverit, eò pertinet, quod aliàs nec possit videri libertus patris, nec filii: non patris, quia pater noluit; non filii, quia ille non sua voluntate manumisit, sed patris.

§. 5. *Nona*, refertur *num. 54.* mandatum ad pi-  
as causas morte non finiri. Quæ verò neutiquam  
pro-

probatur ex *c. exiit 3. §. in illo vero casu. pag. 184. vulg: edit. de verb. Sign. in 6.* Non enim ibi de mandato, sed concessione pecuniæ in ulum piæ causæ, sc. Ordinis fratrum minorum, agitur: quæ species pollicitationis est, & voluntate unius quoq; sustinetur. *l. 3. §. 1. ff. de pollicit.* Cum igitur hi fratres ex regulâ Ordinis sui pecuniam sibi relictam ne quidem contrahere possint, sed prospiciendum sit, ut illa in licitum rei habendæ vel utendæ commercium convertatur, si defunctus, qui concesserat, certam huic curæ destinavit personam, ad hanc recurrere fratres posse traditur. Inde verò neq; apparet defunctum ei mandasse, aut ipsum suscepisse, aut gerere teneri. Quod si ergo ad instantiam fratrum ille suscepit, novus iste esset mandati contractus inter ipsum & fratres initus. Verùm ex *c. 19. x. de Testam.* inferri videtur, si defunctus mandavit alicui curam ejus quod piæ causæ reliquit, & ille eam suscepit, compelli ipsum posse ad exequendum. Id enim singulare est, cum aliàs susceptum quoq; mandatum renunciari tempestivè possit. *§. 11. de mandat.* Hinc ergo sequetur, cum coeperit jam obligatio vivo defuncto, eam durare quoq; post mortem. Et hætenus igitur videri posset exceptio: Quamquam & hujusmodi executiones non ut mandata valeant, sed ut accessoria dispositio cessionis. *c. 9. de offic. jud. del. in 6.*

§. 6. Decima traditur num. 55. in dote, ex *l. 9. §. 1. de jure dot.* Sed ea nihil huc pertinet; nec mandatum ibi est, sed res in dotem datæ sunt, si nuptiæ secutæ fuerint. Nulla igitur ibi est conventio unde obligatio oriatur, sed traditio, quâ dominium acqui-

acquiritur ex causâ dotis, si nuptiæ secutæ sint: ergo dans ante nuptias moritur, nullus eo vivit titulus dominii transferendi titulus; quia dos matrimonio nulla est: & idè nec eo vivit quicquam juris quæsitum intelligi potest accipiti, cessante titulo; nec eo mortuo inchoari, cùm desierit dans esse dominus. Hæc ita stricto re. Sed benignior interpretatio placuit, ut nuptiantur retro tempore traditionis jam secuta quod propter defectum tituli stricto jure non videtur admittendum, nisi favore dotis, ne mulier quæ spe dotis promissæ conditionem invenerat, indota fieret. Nihil autem hîc de mandato morte finit

§. 7. *Undecima exceptio, num. 59.* si merces intertulerit, nulla est, quia tum mandatum non erit, sed locatio operæ. *Duodecima num. 60.* est, si procurator ex concessa sibi potestate substituendi alii mandaverit; hic illo mortuo manet, quia à domino intelligitur substitutus *l. 6. §. 1. ff. quod cuj. un. nom.* Unde nec hæc exceptio est, quia mandans non obiit. Quod verò procurator litis dominus factus, mortuo domino peragere litem possit, *l. 23. C. de proc.* id inde est, quia res integra amplius non est: de quo *supr.*

§. 8. *Tertia decima, num. 61.* dicitur, cùm quis dedit pecuniam mutuam Titio reddendam Sejo, isq; mortuo dante Sejo reddidit. *l. 19. §. 3. ff. de donat.* Verùm duplex hæc quæstio est. (1) Si donaturus Sejo, pecuniam mutuam dederit Titio, eâ lege ut solveret Sejo, non sibi; & Titius Sejo solverit mortuo dante, an fecerit pecuniam accipientis? Quod affirmatur, quia rem suam dedit & transtulit, neq; hîc de mandato vel vi mandati quæritur. (2) An hac solutione

lutione liberatus sit ab eo, qui mutuum dederat? Et hlc distinguitur, sciens an ignorans dantem esse mortuum, Sejo solverit: nec liberatur; nisi ignorans. Eadem ergo hlc æquitas admittitur, quæ in mandato, etsi mandati contractus non sit, sed lex & pactum mutui; uti enim omni contractui reali, ita & mutuo adjici pactum potest ut alii solvatur vel restituatur; cui ex eo utilis actio competit. *L. pen. C. ad exhib. L. 9 §. pen. ff. de Reb. Cred. L. 126. §. 2. ff. de Verb. obl.* Nihil igitur hætenus in *d. L. 19. §. 3. de Mandat.* Sed id sequitur in versu *Si autem mandavero.* Ubi mutuum non est, sed mandatum de solvendo alii; & eadem distinctio, de qua *supr. §. 5. & seqq.* adeoq; nulla inde nova hlc exceptio. *Quarta decima* exceptio, mandatum de faciendo morte non tolli, falsissima est, & jam *sect. 3. §. 2.* refutata.

§. 9. Totidem & ferè easdem exceptiones recenset *Tulden. C. Mand. n. 7.* de quibus jam actum est. Affert tamen hæc singularia: 1. Si commodum sit solius Mandatarii. 2. In literis dimisoriiis. 3. In literis gratiæ. 4. In executore dato *c. 36. de Præbend. in 6. c. 9. de offic. Jud. del. in 6.* Sed in iis non est mandatum sed beneficium petenti commissum, quod obitu concedentis non tollitur: Et idem ergò lancitur in executore beneficii, tanquam accessorio. *d. c. 9.* In mandatis autem contrarium definitur. *d. c. 36. in f.* Addit porrò non finiri Mandatum Judicis ad citandum; vel delegati, facta citatione *C. 19. c. 20. X. de offic. Jud. del.* Verum in iis agitur de casu, quo res integra ampliùs non est: nec adeò nova ea exceptio est. Adeò caligant in jurium rationibus & causis, præsertim, cum casus ex Dd. corradunt & cumulant!

S. D. G.

## Errata.

Pag. 3. §. 3. lin. ult. pro *continuet* legend. *continuetur*.

Pag. 5. lin. 5. pro *l. 5. §. p.* legend. *l. 17. §. 3.*

Pag. 11. lin. 5. pro *l. 57. leg. l. 37.*

Pag. 20. §. 9. lin. 13. pro *l. 8. §. 3.* legendum *l. 18. §. 1.*

7-15153